

A D
INCLYTAM MARGARITAM
BITVRIGVM, ALLOBROGVM,
SVBALPINORVM DVCEM.

Pontii Renaldi Draguinianensis
Assertiones.

Ex vniuerso orbe Philosophiæ depromptæ, & qua methodo
sit formandus, qui beatus homo futurus est,
contextim digestæ.



IN MONTE REGALI
Excudebat Leonardus Torentinus,
M D LXV.

INDIAN MOUNTAIN
BIVOUAC, MOUNTAIN
STATION, MOUNTAIN

POSSIBLE REASONS FOR
ABSENCE

1. The possibility of a
large number of
persons being
absent.

INDIAN MOUNTAIN
BIVOUAC, MOUNTAIN
STATION, MOUNTAIN

DIVAE MARGARITAE³

PONTIVS RENALDVS D.D.



VFVGERANT olim Musę ab hominum consuetudine, & ab humanis cœtibus penitus recesserant, quia pariter ab omnibus sese desertas vidērent, & feros mortalium animos, Marti magis quàm illis sese deuouere; vnde bellis sœuissimis, quę tunc inter gentes vigeant perterritę (quibus nihil magis cōtrarium esse potest) ad

hunc usq; diem in Parnaso, sicuti Poetę canunt, sponte exularent, vt procul ab omni insultu & strepitu, instar apum syluestrium, ibi suos dulcissimos liquores & funderent, & solę (nobis hic ieiunis relictis) in illo tranquillo otio fruerentur. Sed postquam Tu (Diua MARGARITA) diuinitus e cœlis ad nos demissa fuisti, vt concitatos, & efferos omnium gentiũ, Regum & totius orbis potentissimorũ animos alioquin implacabiles demulceres, largos & horrendos humani sanguinis imbres sisteres, vniuersiq; mundi Primates in maiorem amicitiam & affinitatē, quàm olim discordiæ fuissent, adstringeres, & ita gentium omniũ, & populorum (quod omnis posteritas est commemoratura) inimicitias extingueres, nec non in pristinum amorē pacem & societatem conciliares: tandem & ipsas quoq; musas, quas bellum & arma procul a nobis fugarant, cum totius orbis pace (cuius tu sola autor fuisti) reuocasti inter mortales, & postmodum ad nos regressę, tandiu se penes reconditos Thesauros adeo effusē hominibus nostri æui effunde-

A ij re

4
re coeperunt, ut non amplius superfit quoddam Chaldeis, Græcis,
Aegyptijs, & Latinis nostrum hoc sæculum inuideat. Et non so-
lum ferè deperditas liberales artes, & Philosophiam ubiq; gen-
tium instaurasti, (cum otium, & quiete orbi penitus vniuerso
feceris, quibus in primis opus est ad disciplinas comparandas)
sed etiam abs te semel instauratas ita foues, cum in nostra Gal-
lia, tum & in his partibus, & literarum candidatos ita benigni-
ter amas; ut & obscuriorum animos ad altiora prouoces; Post-
quam illis uirtutis medio in tui gratiam aliquando sese insinua-
turos spem relinquis. Hac ergo tanta sorte, quæ mea tempesta-
te contigit, ego uti uolens, quasdam totius Philosophiæ semel
iam à nobis quoquo modo degustatæ Theses, quas tuendas
proposuimus, tuo Sacro Nomini dedicare sum ausus, quo ne
dum conclusiones ipsas, sed & illarum cuiusq; exacte proba-
tiones & demonstrationes a nobis sponte fuerunt adductæ;
quasi in breuiter perstringendo & contextim ordiendo quo-
dam totius philosophiæ sacrario & thesauro præludentes nos
exercere, tum & ita maiorem disputandi campum relinquere
uoluerimus. Quæ quidem rudia meæ mentis delineamenta si
ab ea, qua donata es benigna manu non recusari fuerit a Dijs
aliquando concessum, ad delibatiorem studiorum meorum elab-
orationem animum promouebis. Postquam nihil unquam
aggredi pollicor sine tuo fauore, præter quem nec ipsis quidē
Musis, quarum es proculdubio prima Calliope, gratum fore
confido. Vale.

ASSERTIONES COMMUNES DE SCIENTIARVM INTRODVCTIONE IN HVMANVM VSVM ET FOELICITATEM.



VNC Vnum quodlibet in suo genere perfectum est, quando sibi ingentitas vires in actum et lucem educit.

Itaq; si homo beandus et suis numeris absoluedus erat, profecto quas inter naturas mortales proprias facultates sibi retinet intellectum & uoluntate quò se-

runtur conduceret oportebat.

Illum inquam in simpliciter Veri cognitionem.

Hanc autem ad id quod Verè bonum est operandum.

Quibus comparatis suam foelicitatem, quam omnes per tot rerum discrimina quærunt, consecuturus erat.

Nentra tamen harum facultatum statim a natiuitate obiecto suo poterat vniri,

Instar omnium aliarum animæ virium,

Quæ statim habent a primordio ad nata sibi instrumenta, congruentia media, necnon obiecta, quæ de repente sese offerant ut quàm primum nata bono suo fruantur.

At illa ab exortu sunt præui a fine quem expetunt.

Impeditur enim intellectus primo quia sit ea lege nobis adstrictus ut nihil ueri possit apprehendere, quin prius fuerit in sensibus, et per phantasiam uix tandem in mentē delatus.

Rursus cum sit sua natura diuinus, momento omniū intellecti uis, immobilis simplex, & unde quaq; sibi vniformis, Homini- bus immersus turbatur ob materiæ crassitudinem, instabilitatemq;

- 12 *Sensilium multiplicitem, phantasia nostra in varias & sa-
pe contrarias opiniones distractionem.*
- 13 *Et tandem apprehensionis humana debilitatē, quæ nisi primo
ab effectis ad causas, a causis rursus ad effectus discurren-
do quicquam percipere valet.*
- 14 *Voluntas autem sepe labefactatur de suo, quod expetit, bono.*
- 15 *Quia cum soli rectæ rationi minime subiugata sit sed & cōcu-
piscentiæ :*
- 16 *Fit ut rarò quod re vera bonum est, sed magis quod sensibus ap-
parens est, appetat & sequatur :*
- 17 *Imo vice boni quod quærit contrarium malum & noxiū se-
pe sibi carius comparet.*
- 18 *Eguerunt itaq; studio & arte aduersus hæc suffragia sibi pa-
rare, quæ natura dare primo exortu recusarat.*
- 19 *Intellectus nimirum regulas turò ratiocinandi, & minus
quàm fieri possit difficili negotio verum disquirendi, & a
falso secernendi..*
- 20 *Et illud quidem per vniuersam philosophiam, quam quidē re-
rum omnium veritatem inquirentem speculatricem uocat.
Illos autem canones sub una logica conclusit.*
- 21 *Voluntas autem ex seipsa ratione vacans, a recta ratione iam
bene verum edocta, est mutuata.
Legem quid interea, quæ nostri iuris sunt & potestatis bo-
ni vel mali sit prosequendum aut fugiendum, fallaces appe-
titus moderādi, & demum fœlicitatem comparandi. Et il-
lud omne sub ea philosophiæ parte, quæ dehinc fuit morum
& actiua denominata.*
- 22 *Sed nemo solus ad beatam vitam sufficiens erat sine societate.*
- 23 *Cui nati sumus omnes.
Prouisum ergo necessario fuit ut beatæ societates & ad bene
beateq; viuendum sufficientes Resp. componerentur, sub
ea parte quam ciuilem & politicam vocarunt.*
- 24 *At maior pars ciuitatis rudis & popularis, inhabilis erat ad
rectā viuēdi institutionē sub nuda philosophia suscipiendā :*

7

Sub rerum ergo sensilium & apparentium fabulis, & harmonico tanquam magis delinitiuo dicendi genere recitatis illis exhibenda fuit, Vnde poetica originem traxit.

25 Verum nimis adhuc erat difficile homines vnanimiter degere propter nimium cuiusq; in suas res peculiares studium, nimia enim de se cuiusq; membrorum cura communem societatem deprauat;

26 Introducta fuit ergo quædam animos hominum in cōmunem vtilitatem deliniendi ratio, & quæ posset in rebus ambiguis auscultantibus vtramuis sententiam magis uel minus persuadere & in eam mouere; Quam Rethoricā vocarūt.

27 Manca tamen adhuc erat sors hominis & vita nisi tot iniuriæ quibus est obnoxia repararentur

Suscitarunt ergo medicinam, cui sanitatis humanæ cura, quæ maxime refert esset demandata.

De his ergo disciplinis, quæ homines componunt, qui sint aliorum regula secundum comuniore locos dicere placet. Cæteris libenter omisiss: quæ uel ad necessitatem, uel ad iucunditatem vitæ faciant, sunt uel illiberales uel illis homo sælix facile carere potest.

Exordiemur autem a speculatiua philosophiæ parte,

28 Quæ actiua tanto dignior et cōmunior, quāto mens uolūtate,

29 Et bono verum est. Bonum enim prius sub ratione ueri considerandum venit.

ASSERTIONES LOGICAE.

1 Et adhuc ut par est omnium primo de logica, ut instrumēto fabre factō ad ea quibus usui foret nos opportuniū conuertamus.

2 Sit igitur logica methodus ueritatem in rebus disquirendi.

3 In necessarijs quidem simpliciter,

4 In contingentibus uerò, quantum illarum natura ferre potest.

5 Sed rerum ueritatem indagandi plures sunt distincti modi; ut & rerum proponendarum aliæ atq; aliæ sunt formæ.

- 6 Nam de quacunq; re veritas est habenda, uel incomplexa uel
complexa proponi solet.
- 7 Et utrunq; bifariam.
- 8 Incomplexa siquidem primo quaritur an sit res qua conside-
randa venit.
- 9 Secundo iam esse posita quid sit.
- 10 Complexa vero, uel utrum insint illi passiones qua de illa fue-
runt enuntiata.
- 11 Vel propter quid insint perpendendum est.
- 12 Tot autem questionibus duo sunt satisfaciendi modi, per argu-
mentationem & diffinitionem.
- 13 Argumentationem inquam, qua sit uel inductio, uel demon-
stratio & hoc in necessarijs; hæ enim omnium potissima.
- 14 Inductio siquidem res uel esse uel non esse manifestat.
- 15 Et id complexa uel incomplexa.
- 16 Diffinitio rerum essentias explicat.
- 17 Demonstratio tandem rerum assertarum causas consequitur.
- 18 Et id uel simul et rei et scientia, qua a priori demonstratio dicitur,
- 19 Vel scientia tantummodo, qua fit a posteriori.
- 20 Et demonstratio si sit a priori per compositionem:
- 21 Si autem a posteriori per resolutionem.
- 22 Diffinitio rursus diuisione & compositione comparatur, ubi
communiora genera per ramos distribuens ad rei proximū
usq; genus & differentiam deuenit.
- 23 Ex quibus rei proposita constituitur essentia.
- 24 Quo fit ut inter uerum inuestigandi instrumenta ad defini-
- 25 Ad ratiocinationem resolutio, (tionem diuisio,
- 26 Et ad utranq; compositio nobis sint potissima uia.
- 27 Sed his omnibus prius cōmunis est & necessaria uocum enun-
tiatio, seu uocum de uocibus prædicatio.
- 28 Per hanc enim exprimuntur omnes animi conceptus
- 29 Non enim fortuita qualibet terminorum coitio facit ad men-
tis interpretationem, sed illa duntaxat qua uel uoces con-
nectit, inter quas est mutua a natura connexio.

- 30 Et ita disponit ut communioribus minus communes, uel æqua-
les æqualibus subſciantur.
- 31 Vel repugnantes ſeparat & abſcindit, uel his contrariæ.
- 32 Hinc enim uerum & falſum exordium ſumunt.
Sed ſimplices uoces enuntiationum materia, pro uarijs ad in-
uicem relationibus varia epitheta ſibi ſortitæ ſunt.
Non enim eadem harum uocum, animal & rationalis, ad ho-
minem affectio.
- 33 Quò fit ut uocum cum aliæ dicant rerum uel eſſentiam, id eſt,
ſine quibus nec mente concipi poſſent,
- 34 Vel accidens, id eſt ſine quo nihilominus res eſſent:
- 35 Vox quæ rerum ſenſilium vnius alicuius formæ totam eſſen-
tiam ſignificat, ſpecies dicatur.
- 36 Et huius communis uocis, quæ reliquarum quaſi materiam
ſignificat, genus.
- 37 Quæ uerò formam, differentia;
- 38 Cui proprium eſt contra Porphyrium de una ſola ſpecie &
cum genere in quaſtione qua quid enuntiarī.
- 39 Vocum uerò quæ quid accidens ſignificant, & affectiones, ſe-
proprias uni ſpeciei ſemper & omni (quas alio nomine ſe-
cundos actus denominant) proprium vocabitur.
- 40 Si communes, accidens.
- 41 Ab illo differēs: quia proprium de propria forma poſiſſimum
educatur, & ſpeciei primo competat;
- 42 Hoc autem magis materiam conſequatur,
- 43 Vnde primo & per ſe ſenſilibus adheret.
Sed uniſcuuiq; genus & differentiam & alia huiusmodi in-
ter infinitas rerum uoces inuenire, nimis erat difficile, ni-
ſi reductæ ad certas & finitas claſſes primo communiores,
poſtea minus communes gradatim diſpoſitæ, redderent fa-
ciliorē diuiſionem, compoſitionem & reſolutionem.
Vnde ſumma decem uocum & rerum genera conſtituta ſunt,
ad quæ tanquàm poſtremam in hac arte materiam uſq; re-
ſoluti, ſicuti faciunt qui recta ratione procedunt, nunc ope-

ratur, ordine retrogrado ab his exorsiad enuntiationes et demum ratiocinationem progredientes exquisitius omnia repetamus.

EX CATEGORIIS.

- 44 Voces autem, uel entia, uel entium dispositiones, uel ad utrūq; preparationes significant.
- 45 Sed uera entia substantia sunt & hoc aliquid.
- 46 Et substantia idest id quod per se subest, altera prima quæ sensilis est & indiuidua & maxime substantia.
- 47 Altera secunda, quæ primæ quædam est essentia pars pluribus communis.
- 48 Quæ quanto magis a prima recedit, propius ad primam materiam accedens, substantia minus est.
- 49 Vtraq; tamen hoc aliquid significat.
- 50 Et una numero (quod illi est maxime proprium) contraria se recipere potest.
- 51 Entium autem dispositio prima secundum quantitatem est.
- 52 Continuum uel discretam.
- 53 Continua est quæ potentia et non actu partes distinctas habet;
- 54 Vt actu discreta numerus nimirum.
- 55 Et harum alia partes iuxta se positas habent, ut linea, superficies, corpus & locus & numerus.
- 56 Aliæ uerò successionem, ut oratio necnon & tempus.
- 57 Quantitati uerò maxime proprium per eam quid æquale uel inæquale dici.
- 58 Secunda autem entium est dispositio qua dicuntur ad aliquid, idest ubi quod sunt id alterius esse dicuntur.
- 59 At tertia, quæ res qualis denominatur.
- 60 Et quadrimembris est, habitus & dispositio, naturalis potentia et impotentia, qualitas sensibilis et passio, ultimo figura quantitatis propria affectio.
- 61 Quarto loco succedunt actio et passio;

Quas

- 62 Quas consequuntur ubi, quando, situs, et habitus antedictarum dispositionum ad substantiam comparationes.
- 63 Sed uoces quæ præparationes significant, uel ad substantiam, uel ad quantitatem, uel qualitatem, uel ad locum, quæ sunt generatio, auctio, alteratio, et motus secundum locum, uel his contrarias.
- 64 Voces rursus adinuicem comparatæ, uel res significant easdẽ, uel diuerfas.
- 65 Similes uel dissimiles;
- 66 Vel simul natura;
- 67 Vel aliæ alijs priores.
- 68 Si diuerfas, uel oppositas uel repugnantes.
- 69 Oppositas, uel cõtrarias, uel priuantes, uel relatas, uel cõtradiçetes, idest simplici affirmatione uel negatione differentes.

EX LIB. PERIHERM.

- 70 Sed uoces ad connexionem aptæ, sunt materia enũtiationum.
- 71 Et uerbum illarum est copula et forma.
- 72 Sine quo nulla affirmatio uel negatio (Modo assertiue sint enuntiationes)
- 73 Ab his enim aliæ, sunt præter institutum; nam illa sola uerum et falsum produciunt,
- 74 Verum inquam, si referant in anima res esse, uel non esse ut
- 75 Falsum autem si secus. (extra;
- 76 Vnde quatuor cõtrariæ assertiões de ysdẽ subiectis & enũtiationis efferi possunt et quæ oppositiões postea suboriri faciunt.
- 77 Quæ adhuc variantur pro ratione diuersæ materiæ necessariæ uel contingentis,
- 78 Et diuersorum signorum appositiones;
- 79 Negationis etiam, uel ante uerbum, uel immediatè præquasi-
to collocatione.
- 80 Inter quas contrarietates, illa quæ inter singulares est, semper uerum à falso diuidit,

81 *Nisi in futuris contingentibus.*

82 *Quorum nulla ueritas.*

EX LIB. PRIORVM.

83 *Sed ubi quibusdam enuntiatis, aliud necessario cōsequitur, sub
nascitur syllogismus.*

84 *Qui si præter assumpta nullis egeat ut quod uult id consequatur,
est perfectus; alioquin imperfectus.*

85 *Omnibus tamen, tres ad minus termini & enuntiationes duæ
operæ pretium faciunt.*

*Ex quorum opportuna & perfecta complicatione oriuntur
tres simplices figure.*

86 *Prima, cui medius in maiore subijcitur, in minore uero enun-*

87 *Secunda, cui semper enuntiatur. (tiatur.*

88 *Ut tertia, cui semper subijcitur.*

89 *Sed prima & secunda quatuor modos,*

90 *Tertia uero sex distinctos pariunt.*

100 *Quibus tamen omnibus commune est nihil consequi sine enun-
tiationum altera uniuersali altera affirmatiua.*

101 *De nullo enim dicatur subiectū oportet, de quo non enuntiatur.*

102 *Et sine affirmatiua nullus coincideret terminorum congressus.
Et præter hos syllogismos adsunt & alij, qui cum lege siue
conditione fiunt.*

103 *Id est, qui binis constant propositionibus, quarum maior binis
enuntiatis per copulā cōnexis, ex quarum altera fit minor.*

104 *Conditionis uero copula uel coniungit enuntiata, uel diuidit.*

105 *Illic sese consequentia,*

106 *Hic autem sibi inuicem opposita.*

107 *Sed illa si sint retrò cōmeantia, sese mutuo concludunt.*

108 *Alioquin tantum antecedens consequens trahit;*

109 *Nisi ubi consequentis oppositum, alterius oppositum querit.*

110 *Semper tamen consequens de omni antecedente dicitur.*

- 111 *In disiunctis, si sit oppositio in duobus, unius affirmatio alterius est negatio.*
- 112 *Sed si in pluribus sicuti in contrarijs, omnia contraria eò concurrant oportet.*
- 113 *Verum, inter opposita, contradicentia proprium hoc habent, ut de quolibet sit uera negatio uel affirmatio.*
- 114 *Reliqua uerò, in certis tantummodo generibus;*
- 115 *Fit alia ratiocinatio per deductionem ad incommodum, ubi falsum impossibile minus notum, alterum impossibile consequens magis notum destruit.*
- 116 *Adest & inductio concludens terminum maiorem de medio per minorem.*
- 117 *Qua primò egemus ad quācūq; cognitionem & cōmunē consequuntur exemplum & enthymema (ceptionem.*
- 118 *Illud uia similitudinis quæ inter medium & minorem terminos est de minore concludit maiorem, qui de medio enuntiari sit probatus.*
- 119 *Sed enthymema mutilus est syllogismus, quia propositionum altera supposita cetur.*

Verum pro materia subiecta, sunt alij atq; alij syllogismi :

- 120 *Nam si de rebus quæ se habere non possunt, necessarius*
- 121 *Si de contingentibus, dialēcticus est. (est & demonstratio.*
- 122 *Sed qui falsum pro uero commutat, sophisticus est.*

EX LIBRIS POSTERIORVM.

- 123 *Demonstratio uero (hæc enim forte magis quàm quòd dependens sit methodus inter topica & posteriora præcedat) syllogismus est faciens scire, idest rem per causam cognoscere.*
- 124 *Causam inquam necessariæ consequutionis.*
- 125 *Quæ si fuerit & rei, erit demonstratio absolutissima.*
- 126 *Potissimum si proprias passionēs per subiecti et enuntiati causas ostendat.*

- 127 ¹⁴ *Modo dependet omnis demonstratio a præmissis idest primis in ea sciētia principijs & quæ aliunde demonstrari nequeūt.*
- 128 *Præmissæ rursus, uel cōmunes uel propriæ.*
- 129 *Ille si forent usui, proprio generi sunt accommodandæ.*
- 130 *Omnes ueræ sint oportet*
- 131 *Necessariæ.*
- 132 *Vnde & uniuersales; particulariū enim nulla per se necessitas.*
- 133 *Vnde & de omni dicentur.*
- 134 *Exquisitissimæ tamen si primo & per se*
- 135 *Per has ergo sciētiæ ɔignūtur in nobis, quæ distinguūtur postea uarijs uel subiectis, uel quæsitis, uel demonstrandi modis.*
- 136 *Demonstrationis autem exquisitæ medulla diffinitio est, per se nihil enūtiāns sed essentiā rei quam breuissimè explicās.*
- 137 *Vbi nimirum fit per genus & differentiam quasi materiam & formam.*
- 138 *Hanc æmulatur descriptio, per accidentium circumscriptionem rem exponens.*

EX TOPICIS.

- 139 *Hæc illa logicæ pars est, tradens locos unde omne genus disputandi trahitur, & dialecticum siue probabilem syllogismum suggerendi canones.*
- 140 *Aequè communis ac prima philosophia.*
- 141 *Nisi quia huius propositum sit sincere rerum ueritatem indagare, & subiectum determinatum habet:*
- 142 *Illa autem potius uincere studeat, & nullum habet præfinitum subiectum.*
- 143 *Nec solum est adstricta topicorum libris, sed & utitur toto organo.*
- 144 *Et quæ duplex poterit statui, altera enuntiationes formandi altera uero disponendi.*
- 145 *Sed illa necessarias format in posterioribus, probabiles autem in topicis.*

- 146 Fallax syllogismus, qui uel in materia uel in forma peccat, uitari facile poterit ab eo, qui in antedictis fuerit optime uersatus, quam quod nimis hic immoremur.

ASSERTIONES TOTI PHILOSOPHIAE SPECVLATRICI COMMVNES.

- HABITO* Gnomone mens nostra sese conuertat ad indaginem ueri, quod super omnia tantisper affectat.
- 1 Sed cuius ueritatem quærit proculdubio nihil esse potest quam ipsum uniuersum,
- 2 Vnicum totius contemplatricis philosophiæ subiectum.
- 3 Nihil enim præter ipsum, uel quod aliquid sit ipsius sub scientiam cadere potest.
- 4 Mundus autem sub triplici ratione perpendendus uenit, ad quam omnis postea consideratio debet necessariò reduci;
- 5 Primo nimirum, quatenus corpus est & hoc aliquid (ut ab ijs quæ sese primo nobis offerunt auspicemur) & transmutationibus obnoxius;
- 6 Deinde ex parte qua quantus est, patiturq; diuisiones;
- 7 Postremò uerò quatenus ens.
- 8 Quo fit ut tres tantummodo propriæ sint huius philosophiæ partes: Naturalis, Mathematica, & Diuina.
- 9 Quarum illis magis scientiæ nomen, Quia res tractent quarum essentia & principia aliunde pendent;
- 10 Huic uerò quæ sit omnium primarum causarum sapientiæ nomenclatura magis iure competit.

NATURALES EX OCTO LIBRIS AVSCULTATORIIS.

COR-

CORPVS.

CORPORIS autem prima principia causa & affectiones communiter primò, dein propria cuiusq; corporis & singularia habemus examinanda; ne communia singulatim sint in omnibus repetenda.

Quin etiam legitima quæque methodus (quæ communes in primis toti tractationi propositiones præstabilire solet) res ex quibus formandæ ueniunt, primò præparet opus est.

- 1 Sed prima principia, id est omnium rerum naturalium promptuaria, & omnium transmutationum causæ & termini sanè sunt ea, quæ dum nec uicissim, nec ab alijs fiunt, reliquorum omnium sunt seminaria.

MATERIA.

- 2 Quo fit ut primum, sit illud commune subiectum tot mutationibus, quæ sensibus apparent substratum; quam primam Materiam uocant.
- 3 Secundo loco adsint prima contraria, quorum in illa mutua pugna tantæ uarietatis est causa.

FORMA.

- 4 Forma nimirum materiam penetrans & informans.

PRIVATIO.

- 5 Et huius priuatio præcedens.
- 6 Quæ tria sunt eadem rerum omnium principia, sed comparatione & analogia.
- 7 Quibus alludere uidentur Platonis infinitudo, terminus & mixtio.
- 8 Inter hæc autem materia & forma simul unita res naturales

con-

constituunt, & ab illis nunquam recedunt.

- 9 Primatio uerò pro transmutationum saluandis uicijsitudinibus (quod in natura præcipuum est) quasi per accidens est necessaria.
 - 10 Sed prima materia, cum ea sit qua constant res omnes naturales, & in quam ultimò resoluuntur, semper sit manens & subsistens oportet;
 - 11 Omnia propria forma & ingenita uacans; Ne euanescat sua potentia, per quam ad omnes formas uestiendas sit apta.
 - 12 Sit igitur ingenita & incorruptibilis, ne in seipsam interitura, uel ex seipsa parta uideatur.
 - 13 Et tantum uia transmutationis cognita; & per rationem quã habet ad formas.
 - 14 Formæ uero proprium est dum materiam superuenit, nouum rei genus constituere, & hoc aliquid.
 - 15 Sed huic occasionem ad materiam accedendi dare, primatio proprium habet.
- Atq; hæc de primis principijs, Causæ nunc inuestigande sunt.
- 16 Causam autem communi nomine dico, qua posita, quid subinde consequitur.
 - 17 Sunt autem causarum quatuor præcipua genera Finis (Cuius gratia agens quodlibet agit.) Efficiens forma et materia.
 - 18 Quibus nec plures nec pauciores; quamuis secundum prius uel posterius, per se uel per accidens, actu uel potentia, sint causarum distincti modi.
 - 19 Nec nocet quod unius & eiusdem effectus plures fines, & sic de alijs, assignari possint.
 - 20 Verum in omni causarum genere, ad ultimum quoddam, usq; et in eo genere primum acrius intuiti peruenire licet.
 - 21 Quarum primam materiam, & efficiens tamen ut mouens, quæ corpus inducunt, Naturalis est inuenire.
 - 22 Primum uerò finem & formam, Quæ ut ens est, mundo competunt. Imo & de omnibus exquisitijs tractare, ipsius diuini philosophi.

- 24 *Causis tamen id proprium est, ut uniuersales sint uniuersaliū effectuum, singularium uerò singulares.*
- 25 *Actu rursus uel potentia causa, effectuum actu uel potentia.*
- 26 *Sed nunquid natura naturalium est causa? est quidem, sed latens inter illas.*
- 27 *Nam cum sit principium motus aut quietis, eius in quo est primo, per se et non per accidens; Nihil esse potest præter naturalium, materiam, et formam.*
- 28 *Sed magis est natura forma, quàm materia,*
- 29 *Quanto melius est et dignius agere quàm pati; quorū illa sunt principia.*
- 30 *Super sunt inter causas casus et fortuna, sed per accidens; ubi præter institutum naturæ uel deliberantis res succedunt.*
- 31 *Sed magis in natura casus, in alijs uerò fortuna;*
- 32 *Quæ si conferat agenti, bona, si uero noceat, mala uulgò nominatur.*
- 33 *Fuerunt autem introductæ, quia plures eiusdē effectus possint esse causæ quàm determinatæ; Nulla enim inter effectus et causas est adeò adstricta necessitudo;*
- 34 *Vnde nullum est fatum.*

COMMVNITER autem corpus concomitantia sunt;
motus, locus, & tempus.

MOTVS.

- 35 *Motum autem dico actum entis quatenus impotentia.*
- 36 *Huius primum principium est priuatio,*
- 37 *Sed latè sumptus potest & non naturalibus aptari, quatenus et illa potentia sunt immixta;*
- 38 *Qua ratione omnia moueri animamq; mouere seipsam potuit saluare Plato.*
- 39 *Sed naturalis, quem quero, est tantum actus partis post partem successiue.*
- 40 *Quò fit ut in illis rerū generibus dumtaxat uersetur, in quibus*

- & cōtrarietas habens media, ut quātitate, qualitate, et ubi.
 41 Impropric uerò in substantia.
 42 Ut in relatione nullus.
 43 Cōstat autē duobus semper terminis cōtrarijs, a quo & ad quē.
 44 Huius causam latentem alteritatem, quam uocant, credunt
 meritò Platonici.
 45 Nam qui unum omnia statuit motum cogitur auferre.
 46 Motus autem fit in loco.

LOCVS.

- 47 Qui nihil est quā extremitas continentis tangens rei con-
 tentæ superficiem.
 48 Quò fit, ut totus orbis loco uacet, nec moueri dicatur.
 49 Partes uerò discretæ, quia sibi contiguæ, iam locum occupant.
 50 Est autem per se ipsum, in natura locus;
 51 Naturaliū enim maior pars quosdā congruos sibi situs appetit.
 52 Huius loci causa subtilius inspicienti apparet profectò discre-
 ta quantitas, & continui diuissio.
 53 Vnde naturalibus suarum tantū dimensionū beneficio cōuenit.
 Philosophantium alijs propter locum uacuum, id est, spa-
 tium inane introduxerunt; Alij uerò propter uacuum locum
 54 Sed uterq; fallitur. (abstulerunt.)
 55 Nam illi ponunt in rebus plus & minus, quod nec finis, nec
 materiae necessitas cogit.
 56 Hi uero motum auferunt.
 57 Fit autem motus in loco cum tempore.

TEMPVS.

- 58 Id est mensura secundum prius & posterius.
 59 Cuius essentia est in momenti fluxione posita.
 60 Tantum instans vnum actu, sed id semper, ostendens.
 61 Quod non est tempus, sed magis temporis limes.
 62 Vnde magis non esse, quā esse uidetur.

C ij Quia

- 63 Quia illa fluxio, in qua possumus est, tantum memoria consistat.
- 64 Cuius solus homo iudex, ut & omnis numeri.
- 65 Est enim tempus partim numerus, & partim continuum.
- 66 SED huic & motui & loco comune est de genere continuo-
- 67 Id est, eorum quæ diuisibilia sunt in infinitum. (rum esse.)
- 68 Quamuis actu nullum extet huiusmodi.
- 69 Imò in ipsa potentia posita est infiniti essentia.
- 70 Sed ex continui diuisione deducitur discreta quantitas in cor-
- 71 Cui aliquid semper apponendum remanet. (poribus.)
- 72 Ut illi quid diminuendum.
- 73 Non autem fit continuum ex punctis, Ex indiuisibilibus enim nullum resultat diuisibile.
- 74 Sed tantum fit ex puncti fluxione.
- 75 Quod cum plures admittat proportionales, fit ut et motus, locus, & tempus earundem sint participia.
- 76 Proprium autem est motui tardo dici uel ueloci.
- 77 Velox inquam, qui eodem tempore maius spatium perficit, uel idem spatium minori tempore.
- 78 Tardus uero contra.
- 79 Conuenit & motui finitum esse.
- 80 Omnis enim magnitudo quæ mouetur, & spatium super quod fit motus finita sunt.
- 81 Infinites tamen repetitus temporis necessariam perpetuitatem saluat.
- 82 Est enim tempus æternum ex seipso, uel antea fuisset quam esset, Et daretur instans sine præterito.
- 83 Sed si tempus ideo perenne, quia motus unius alicuius perpetui mensura, motus hic localis sit oportet.
- 84 Et inter locales, ille qui semper est uniformis & contrario caret; circularis nimirum.
- 85 Solus enim hic æternæ nulla quiete interposita ualet durare.
- 86 Aliorum erit igitur motuum causa & mensura.
- 87 Et eò magis, quia qui per illum mouetur, magis stare dicatur, stant enim (inquit Plato) circuli, & si mota circumferen-

tia, modo centrum sibi constet.

- 88 Sed si tempus & motus perpetua sunt, sit ut & motor.
 89 Et ille sit unus, ut & tempus unum.
 90 Qui necessariò sit incorporeus; Quia perennis.
 91 Vnde & indiuisibilis & immobilis erit.
 92 Et infinitus, duratione tamen (quod aiunt) sed non uigore.

EX LIBRIS QVATVOR DE COELO.

Sed post communem et abstractam corporis considerationem, cuiusq; corporis in parte (quod in hac arte præcipuum est) examinatio succedit.

Verum totus mundus si quid proprium habet primo uidendū, deinde de singulis partibus. At de illo hoc unum est in primis asserendum.

- 1 Postquam omnium magnitudinum corpus est absolutissima,
 cui nulla dimensio superaddi potest, imo est in omnes diuisibile,
 2 Necnon & inter corpora ipsum naturale, quia re ipsa constet:
 3 Modò inter naturalia mundus sit oportet omnium perfectis-
 simus, quia & omne corpus sit totum & unum.
 4 Nam si mundus corpus est, ergo et finitus.
 5 Sed si finitus, ergo et unus; ne motus naturalis et uiolentus
 6 Præter hunc nihil est neq; uacuum. (sint idem.)
 7 Vnde loco uacat.
 8 Et totus stare dicitur.
 9 Et quia unus, sibiq; caret contrarijs, nec ortui nec interitui est
 obnoxius.
 10 Modò huius partes aliæ sunt simplices, aliæ compositæ.
 11 Simples tot erunt quot simplices motus, nam diuersi motus
 diuersas naturas ostendunt.
 12 Simples autem sunt rectus et circularis. Hic circa medium,
 Ad medium ille, uel a medio ad circumferentiam.
 13 Horum autem simplicium corporum cælum illud est quod or-
 biculari mouetur.

Nam

- 23
14 (Nam quia motum simplicem habet, fit ut sit & simplex)
15 Et aliud ab illis quæ rectè mouentur.
16 Vnde neq; graue nec leue; Talia sunt enim quæ uel ad mediũ,
uel a medio feruntur.
17 Carebit ergò contrario.
18 Vnde ingentum & incorruptibile.
19 Necnon, quia & naturalis est motus nunquã non mouebitur.
20 Habet item dextrum & sinistrum, ante & retrò, sursum &
deorsum.
21 Sursum autem, ad Antipodum polum.
22 Vndè felicius illorum esse clyma nostro uerisimile est.
23 Est autem Sphærica figura.
24 Nam mouetur in orbem. tum motui uelocissimo, illa figurarũ
æqualis habitus quæ dum ad idem punctum redit est bre-
uissima, operæpretium faciebat.
25 Cœli autem motus est uelocissimus; Nam omnium metrũ est.
Necnon primo corpori prima simplex figura erat aptanda,
quæ nec additionem, nec imminutionem suscipere posset.
26 Quin & nisi sit sphæricus uel uacuum uel plenum preter cœ-
lum, Quod absurdum est, Cœlum enim extrema mundi cir-
cumferentia;
27 Quia solum Sphæricum corpus potest rectis finem & limi-
tem imponere.
28 Quò fit ut et totus mundus, sit circularis.
29 Deferunt autem cœli sydera; propter hæc enim extant.
30 Et ex eadem materia nisi raritate uel crassitie differentia.
31 Sunt autem sidera rotunda.
32 Sed utrum suis orbibus defixa?
33 Agunt autem in hæc inferiora per calorem, et cum qui fit me-
dio lucis & motus.
34 Suntq; in cœlo plures orbes; & tot quot siderum uarij motus.
35 Octo ergo præcipui.
36 Ita tamen ut horũ omnium tanquã totius cuiusdam animalis
unus sit cõmunis motus (ut ait Plato) aliũ uero tanquã partiũ.

Et

- 37 Et inter orbes, alij plures stellas, alij tantum unam deferunt.
Et illorum, aliqui pluribus aliqui uè paucioribus motibus
circumuoluunt; Quatenus magis uel minus ad Primi perfe-
ctionem accedunt.
- 38 Sed si cælum in orbem mouetur eget medio fixo.
- 39 Omnis enim motus desiderat aliquod stabile manens.
- 40 Et ad id feretur corpus sua natura graue; Quod terram esse com-
41 Quæ tota perpetuò quiescat est necesse. (pertum est.
- 42 Nam mouentur omnes sue partes ad quietem; quia ad mediū.
- 43 Vnde hæc productrix frigoris erit per umbram & quietem.
- 44 Sit autem sphericæ figuræ oportet. Aequè enim sunt graues
omnes sue partes; & æquè medium affectant.
- 45 Quò fit ut idem sit medium & terræ & totius uniuersi.
- 46 Sed detur etiam simplex corpus quod a medio ad extrema-
tem feratur. Hunc ignem esse patet;
- 47 Et omnia supernatantem.
- 48 Quorum ignis & terræ motuum & primorum inter eos qui
recta sunt, aptitudines grauitas sunt & leuitas, id est sur-
sum ad circumferentiam, uel deorsum ad medium ferri ha-
bilitates; uel illa, omnia superuolandi, hæc uerò subeundi
facultates;
- Quò ducta simplicia corpora quiescunt & contenta sunt.
- 49 Vnde motus hi sunt reliquis perfectiores.
- 50 Sunt enim corporum iam absolutorum. Reliqui autem ad huc
imperfectorum.
- 51 Motus hi rursus ab intrinseco deriuant. Reliqui uerò quodam
extrinseco egent.
- 52 Verum quedam adsint intermedia corpora illorum intersti-
tium occupantia opus est.
- 53 Tum ut illorum motibus detur locus, tum ne uacuum inuadat.
- 54 Vnius autè minimè satis erat, quod illa colligaret (ait Plato)
- 55 Quin et unum medium illudq; simplex; duorum contrariorum
particeps esse nequibat; sed duo satisfaciunt.
- 56 Sunt autem hæc aer et aqua.

Quæ

- 57 *Quæ & grauiæ & leuiæ quodammodo sunt . leuior tamen aer
aqua uero grauior .*
- 58 *Quatuor autem hæc corpora ignem, aerem, aquam, & terrā,
secundum naturam discrepantia, non secundum magis uel
minus, esse simplicia demonstrat, quod in alia nisi in se-
ipsa resolui minime possunt; Dum se mutuo (sicut patet)
generant & corrumpunt .*
- 59 *Vnde contraria sint oportet;*
- 60 *Communem materiam habentia, & a cœlo distinctam.*
- 61 *Secundum totum æterna quidem, secundum uerò partes trans-
mutationibus obnoxia .*

EX LIBRIS DE ORTV ET INTERITV.

- Subsequuntur corpora mixta, id est ea quæ dum mixtos mo-
tus habent, patet etiam in se simpliciora resolui;
Quorum transmutationes nobis sunt examinandæ.*
- 1 *Prima est generatio id est rei totius essentia in actû deductio.*
- 2 *Alteræ est pro quantitate transmutatio, eadem substantia re-*
- 3 *Adest ultimò secundum qualitates affectio . (manente .*
- 4 *Quarum transmutationum, & generationis in primis, sim-
plicia corpora materia sint oportet, per mutuam actionem
uicissim & passionem sese commiscencia .*
- Vnde partim contraria, partimq; similia .*
- 5 *Similia quidem, imo eadem in communi subiecto .*
- 6 *Commiscentur enim solum ea, quorum ultima sunt huiusmo-
di; ut quæ agunt simul compati possint, & omnia mutuò
misceri .*
- 7 *Non enim solus illorum contactus satisfaceret, id est sola la-
biorum corporum vnio;*
- 8 *Alioquin orbis lunæ ab ignis sphaera pati posset,*
- 9 *Sed mixtio desideratur,*
- 10 *Id est contemperatio ad nouam alicuius compositi formam, ob-
quæ elementa actû pristinas spoliant, ad huc tamen eas fa-
cultat*

cultate retinentia. (Differt enim specie mediocritas ab extremis.)

- 11 *At primæ qualitatum simul agentium & patientium oppositiones sunt calor frigus, humor & siccitas.*
- 12 *Nam reliquæ qualitates, quas secundas & tertias uocant, uel nihil agunt uel illarum emolumento.*
- 13 *Vnde iure igni, aeri, aquæ, & terræ, quæ reliquorum erant necessario futura materia, (Vnde & elementa dicta fuerunt) primo competere fuit opus.*
- 14 *Ita tamen ut ignis calore, aer humiditate, aqua frigore, terra siccitate superent.*
- 15 *Nam remissio non fit semper per admixtionem contrarij.*
- 16 *Primarum illarum qualitatum calidam & frigidam actiuas, siccam, & humidam passiuas, si simul conferas, esse pater.*
- 17 *Vnde actiue unius, & passiue congressus possibiles, quatuor tantum elementa esse posse demonstrant.*
- 18 *Sed sola materiæ similitudo & qualitatum oppositio. rerum generationi uel simplicium corporum mutue transmutationi minime sufficebant; nisi sese mutuo offenderent, Et a locis proprijs recedentia in locum mixtorum generationi congruum concurrerent;*
- 19 *Fuit ergo necessarius localis motus;*
- 20 *Sed non suus, qui tantum ad loca propria desert; Cœlestis ergo;*
- 21 *Superiora suo motu demittens ad inferiora; inferiora uerò calore & luce rarefaciens, & in superiorum conuersionem disponens.*
- 22 *Non autem fuit unus dumtaxat motus cœlestis, imo plures, quorum diurnus rerum perennitatem seruaret;*
- 23 *Alij uero per signorum successionem et pro uarijs sitibus uicissitudinariam transmutationem.*
- 24 *Et illam eandem specie, sed non numero.*
- 25 *Mortuorum enim nulla resurrectio. nam ad preteritum nulla est potentia.*

- 1 Sed mixtorum rursus quædam materia necessitate fiunt, quædam uerò gratia alicuius. Quo fit ut alia perfectè mixta, alia uero imperfectè.
- 2 Huius generis sunt omnia Meteora, Vbi nec ad pondus, nec ad iustitiam contemperata sunt elemēta; Sed magis perfortuitam concretionem illa resultant.
- 3 Differunt autem pro uarijs elementaribus regionibus, ubi generantur. Nam alia in aeris suprema, Alia in media, Quædam in infima, Quædam in aquis, & alia in terra.
- 4 Horum materia subiecta duæ sunt exhalationes, uapor, & spiritus seu fuligo.
- 5 Agens est mundus superior; huic cōtinuus, quippe quē regat.
- 6 Sursum uī caloris illas exhalationes attrahens; Quæ si secum uiscidi quippiam & opimi deferant, propè ignem delatæ inflammantur, Quas cometas postea uocant.
- 7 Et una cū illa regione a sphaera Lunæ in orbem rapi uidemus; Quin & pro uarijs figuris caprarum trabium, facum, tragetarum, quas nobis hic positis referunt horundem nomina retinent.
- 8 Apparet & sursum lacteus orbis, sed quem cœli portionem uel rariorem, uel propè positorum syderum reflexo lumine collustratam existimem.
- 9 In mediam autem aeris regionem (quæ per antiperistasin frigida sit oportet) delati uapores ibi necessariò concrescunt.
- 10 Si mediocriter, in pluuias, & imbres; Si paulo magis, & una cum aere permixti, in niuem instar floccidæ lanæ.
- 11 Vbi uerò præter modum coalescunt (quod accidit æstate magis, præ nimia frigoris in seipsum cōtractione) in grādinē.
- 12 Sed quando intra nubes idest concrescētes uapores sicca exhalatio inclusa uolenter exitum petit, tonitrua, coruscationes necessariò parit.
- 13 Tum & fulmina, si cum magno impetu extrusa in inferiorem

rem nostram regionem decidit.

14 Eadem uero sicca exhalatio dum suum petebat ad nos rursus
a frigore percussa, facta est uentus.

15 Horum qui propè flant, humidi esse solent.

16 Vnde pluias contrahunt.

17 Dissipant autem nubes, qui procul aspirant. qui & sicci sunt,
ut qui a Septentrione; Qui & frigidi sunt. Ut qui ab Au-
stro calidi. Tandem secundum uarios situs unde nobis afflât,
uaria discrimina admittunt.

Sed & illæ exhalationes terræ uisceribus incluse, uarios effe-
ctus producant.

18 Vnde uapores ibi guttatim concrecentes, & coeutes, sca-
turire fontes; & hi flumina faciunt.

19 Quorumq; maior pars a mari ut mathematicis demonstratio-
nibus fit manifestum. Quæ etiam demum ad mare fluunt.

20 Vbi elementum aquæ dominatur.

21 Nunquam defecturum, quamuis mutetur secundum partes.

22 Imò & secundum situs.

23 Quod merito proprio firmamenti motui adscribitur.

24 Huius salsedinis causa est adustarum terræ exhalationum una
cum aqua permixtio; tum leuium dulciumq; partium per
solem segregatio.

25 Spiritus uero in magnam copiam in terræ meatibus accerua-
ti, dum exitum petentes terram magna ui concutiunt, ter-
remotus generant.

Atq; hæc de imperfectè mixtis.

26 Post quæ non statim exquisite mixta consequuntur. Sed quæ
sint media, nempe mineralia & alia huius generis inani-

27 Et hæc uel metalla; uel fossilia. (mata.)

28 Quorum illa uapor, hæc exhalatio magis quasi cremati fuligo,
in terræ uisceribus concreta generant.

29 Et inter illa sunt aliæ, & aliæ species, pro puriore uel minus
pura subiecta materia. Sed magis per distinctas formas,
quæ in materiam uariè dispositam introducuntur. Quò fit

- ut frustra tētēt alchimistæ metallorū alia in alia cōmutare.
- 30 Adfunt et lapides, ex concretionē crassiorū terræ partium uel aquearū cōgelatione uel superātis caloris uel frigoris geniti. Subsequuntur perfectē mixta, in quibus exquisitior elementorum mixtio, & elaboratio desideratur.
- 31 Quorum optima temperatio pro cuiusq; formæ introducendæ gradu rerū mixtarū est generatio. dissolutio uerò interitus.
- 32 Quæ omnia præstāt per primariū suarū qualitātū cōtraritates.
- 33 Inter quarum actiuas, calor si sit moderatus, patiens disponit ad agentis institutum, per concoctionem. id est materiæ assimilationem, dissimilium uero segregationem.
- 34 Sed si calor fuerit immoderatus potius omnia dissoluit, & comburit. Nam tametsi sint idē calor essentia, differunt tamē secundū magis et minus. quod facile uidere est in Solis calore.
- 35 Frigus autem calido in se contrahendo ne dissipetur confert.
- 36 Sed inter passiuas, humiditas moderata calidum nutrit.
- 37 Superflua uerò obruit, & transpirationem prohibet, ut calidum magis auctum res tandem comburat.
- 38 Quo quidem modo fit putrefactio, inter corruptiones maxime naturalis, & simplici generationi corporum opposita.
- 39 Siccitas humidū continet ne diffluat; solidaq; mixta reddat.
- 40 Ex harum autem primarum qualitatum coeuntium uarijs inter se affectionibus id est sicci cum humido, actiuarum beneficio uarijs commixtionibus, secundas & tertias quas uocant qualitates subnasci facile uidere est.

EX LIBRIS DE ANIMALIBVS ET ANIMA, ET PARVIS NATVRALIBVS.

- 1 Verum omnia perfecte mixta uiuunt.
- 2 At nō æquē, nā alia uitæ portiūculas, alia pleniores fortiūtur.
- 3 Ita tamen ut quicquid uilior, & inferior habet, habeat & superior. Nec id absurde.
- 4 Nam inter naturales formas, inferiores sese pro materia ad superiores habent, minusq; perfectæ, sunt perfectiorū gratia
- Quo

- 5 Quò fit, ut una anima numero, & subiecto plures in se facultates continere queat.
- 6 Non tanquã totũ partes, nec genus species, (ut hucusq; plures crediderunt.) sed tanquam principium ea, quorũ est origo.
- 7 Nec potest alioquin utrunq; genus animæ & mens & naturalis saluari sub eodem subiecto.
- Sed primo de generatione animantium:
- 8 Quæ fit a semine, uel a putri materia seminis tamẽ usũ ferẽte.
- 9 Animantium modo tria sunt præcipuẽ distincta genera, Plantæ, quæ sola uegetatrice, Bruta quæ & sensitiua uiuent, Tandem et Homo qui mentem habet.
- De his ergo omnibus quæ uno animæ nomine solent exprimi, dicamus,
- 10 Si quid autem his omnibus cõmune est, (intellectũ excipio, cui nullum cum his interest cõmercium.) primo uidendum est.
- 11 Viderur autem esse omnis anima, actus corporis organici, potentia uitam habentis.
- 12 At anima facultatum aliæ motrices, aliæ sensitiuæ.
- 13 Motricum autem prima et omnium communissimã est altrix; Altera uerò secundum locum delatrix.
- 14 De qua omnium postremò. Aliunde enim ut potè sensu & intellectu principium habet.

A L T R I X.

- 15 Altrix uerò ea est, qua animantia sunt, & uiuunt, & qua reliquarum nulla carere potest. Nam cum omnia uiuentia sint maximè fluxioni obnoxia, quia calida, instauratione per pabulum de foris adlatum egent.
- 16 Cuius etiam beneficio ad incrementi periodum quanta omnibus a natura præscripta est perducerentur.
- 17 Quod altrix hæc una ministrat ubi attrahit concoquit, superflua expellit, & auget.
- 18 Quo fit ut obiectum habeat alimentum.
- 19 Quodq; quatenus hoc aliquid, nutrit. quatenus quantũ auget.
- 20 Vnde animãti primo diuersum aptũ tamẽ et natũ est idẽ fieri.

At

- 21 *At idem animal numero perenne esse non poterat; Nam constat contrarijs: saltem idem specie propagari uoluit natura benigna parens, Per generandi facultatem.*
- 22 *Quæ uni eidem altrici fuit demandata, Medio seminis; quod quidem opportunū animæ uehiculum extra suum proprium subiectum; animanti prolem eandem substituit.*
- 23 *Tot autem mysteriorum primum est anima principium; quippe quæ alterat in alterata.*
- 24 *Pro instrumento utens innato calore, cum quo omnia sua semina in materiam exprimit.*
- 25 *(Est enim hic forma præ reliquis elementorum uiribus.)*
Modò pergamus ad iudicatrices;
- 26 *Magis quam illa diuinas.*
- 27 *Vt potè quæ non ut illa alimento, sunt cuidam certo rerum generi adstrictæ, sed rerum omnium differentias internoscunt, & calū, imò & quæ cœlis longe præstant nobis manifestāt.*
- 28 *Rursus hæ non ad materiæ necessitatem, sed ad cognitionem et maioris perfectionis gratia datæ sunt.*
- 29 *Vbi per has anima fit res omnes.*
- 30 *Non ut materia, quæ cum passione & alterna corruptione.*
- 31 *Imo illa inuiolata semper, nec quicquam pristini deperdens.*
- 32 *Quin nec ut illa subiectiuè; alioquin contrariorū eēt susceptiua.*
- 33 *Et quæ anima ex se ipsa sibi postea effingat.*
- 34 *Quò fit, ut magis actiua quam passiuā; nam tantum passiuā quatenus suscipit.*
- 35 *Formarum nunc aliæ sensiles, aliæ intellectiles.*
- 36 *Sed per sensiliū simulachra primo rerū imagines, secundo intentiones, demū ab his cōmunes rationes & formas dignoscit,*
- 37 *Quo fit ut iudicatricum sint, sensus exterior, communis, Imaginatio, phantastica, & demum mens ipsa.*

SENSITIVA.

- 38 *Sed primum de sensibus, quorum munia tribus perficiuntur,*
Obie-

Obiecto, mediò, & organo.

- 39 Ex organo una cum facultate coeuntibus, fit iam sensus potentia, cui tandè occurrès obiectū per mediū illum actū perficit.
- 40 Sunt autem positi sensus omnes in quadam illorum omnium debita proportionē. Quæ si nitietur, nititur & actio.
- 41 Sensus autem tot sunt, quot sensilium distincta genera.
- 42 At sensilia præter omnibus communia motum, quietem, numerum, magnitudinem, & figuram, Sunt aut colores, aut soni, aut odores, aut saporēs, aut qualitates tactiles.
- 43 Vnde & quinque sensus: visus, auditus, gustus, odoratus, &
- 44 Exquisitissimus autem omnium uisus. (tactus,
- 45 Rerum enim differentias materiæ minus inmixtas interno-
scit ut lucem.
- 46 Quæ quid mediū est inter diuina & naturalia, corporea et in
corporea, (aliòquin enim motus fiet in instanti.) Digres-
sio de la
- 47 Hæc iure mediam naturam est sortita ut quæ cælestium & ce.
diuinorum influxuum uehiculum futurum erat in hæc in-
Modò redeamus ad usum (feriora.
- 48 Cuius obiectum lucidum corpus, & calor,
- 49 Instrumentum oculus:
- 50 Medium uero Diaphanum;
- 51 Sed lucis (quæ diaphani quatenus perspicuum, est perfectio)
præsentis illustratum.
- 52 Color autem est affectio, ex mixtione lucis cum diaphano &
Et hic duplex. (opaco.
- 53 Alter innatus ratione natiui lucidi ignei, aquei, & aerei, per-
spicui in mixtis.
- 54 Quorum simplices, niger, & albus. Ex horum autem pro ra-
tione temperationibus alij resultant.
- 55 Alter per reflexionem; ut qui in nubibus, aqua apparent si-
derum radys perlustratis.
- 56 Totq; colorum in his uarietates, ex alijs & alijs lucis cum
diaphano commixtionibus intensius uel remissioribus sunt.
Modo uisui succedit auditus.

- 57 Sonorum, ut sui proprij obiecti, susceptius.
 58 Aliorum autem omnium, ut uocum, inproprie.
 59 Medium aer.
 60 Instrumentum auris.
 61 Sonus autem est aer affectus ex aqua & lata satis percussione corporum lenium & durorum.
 62 Qui tandem aurium innato occurrens auditum facit.
 63 Illabens per figuram sphericam.
 64 Sub hoc uox interdum latet, id est uoluntarius sonus animæ notas & passionēs exprimens.
 65 Adest & echo, sonus a corpore leni reflexus.
 66 Sonorum uerò alij graues, alij acuti.
 67 Graues ab aere tarde.
 68 Acuti ab aere uelociter ferito.
 Subsequitur odoratus.
 69 Huius obiectum (ut docet nomen) odor.
 70 Instrumenta Nares.
 71 Medium uapor odorem deferens.
 72 Odor enim uaporis est affectio, ex primarum qualitatum con-
 temperatione. Saponi maxime uicinus
 73 Nisi quia sicci magis ille, Hic uerò magis humidi.
 74 Cuius Gustus iudex.
 75 Cum lingua.
 76 Medio Humiditatis quæ uacet omni sapore
 77 Tactus tandem omnium latissimus; Imo omnibus communis,
 Egent enim omnes nutritione.
 78 Et ut illi secundarum omnes, hic primarum qualitatum discretius.
 79 Grauis autem & leuis hic minime censor; sed uirtus motrix
 (quod hic dicere licet) per uim mouentibus organis facta.
 80 Est & ille necessario diffusus per uniuersum corpus.
 81 Medium temperata caro.
 82 Se habet autem ad reliquos pro materia.
 83 Quo fortasse modo dixerim cor primum principium animæ uirium
 84 (Præterquam naturalis quæ per totum insita caret principio)

- 85 Motiuam uerò postea, & sensitiuam in suis proprijs organis, quibus hæc propria uis est insita consistere.
- 86 Sed si quod omnibus animæ facultatibus commune subiectum, crederem calorem innatum.
Sed an totius animæ essentiam in qualibet parte continentem?
Qui tamen pro uariorum organorum occurſu, uarias functiones explicat.
- 87 Et huius arcem cor esse.
Sed ad sensus redeo.
- 88 Quos plures enumeratis statuere nequeo, vel sensilium aliqua præfatis superessent.
- 89 Vel humanus intellectus omnes facultates inferiores minime possideret.
- 90 Et illorum ad salutem animantium alij, (seu quod aiunt) ad esse, ut tactus & gustus;
- 91 Alij uerò ad melius esse.
- 92 Sed adsit sensus communis oportet. Qui uaria sensilia compareret & discernat. Et sensibus externis, tanquam centrum idem lineis pluribus respondens.
- 93 Quò fit ut etiam ualeat dignoscere contraria.
- 94 Verum absentium sensilium uestigia & spectra, quenam uis agitabit? Imò quæ ubi uult noua sibi efformat? imaginariæ profectò.
- 95 Hac ergò omnia animantia uiuunt.
- 96 In qua res bona uel mala, id est uel uoluptatis, uel dolorifera incipit apparere.
- 97 Voluptas autem est sensus affectio ex recessu ab eo quod præter, in id quod secundum naturam est; Dolor autem contra.
- 98 Vnde quales res depingit imaginatio, tales uel prosequitur, uel fugit appetitus.
- 99 Quò fit ut in hac sint affectus, & quod in homine dicunt animi perturbationes repositæ, uel ab hac exordium sumant.
- 100 Huic in homine, continua fit quadam uis superior, fantastica nimirum; simulachris, nandum tamen ab omni materia,

- separans intentiones; Et qua incipiunt homines à brutis differre; & prudenter uiuere, & cum sagacitate.
- 101 Et in qua propter suarum notionum incertitudinem,
- 102 (Sunt enim rerū adhuc singularium, & quarum causa latet) Sedem habent opinio, & persuasio.
- 103 Vnde & omnis ars ibi, omnisq; prudentia.

I N T E L L E C T V S.

- 140 Inest autem & homini mens, Communes rerum omnium formas per uniuersum diffusas, ab omni materia abstrahens, & suo sinu complectens & distinguens.
- 105 Cuius prima aptitudo qua sit omnium susceptiua, & sine passione est intellectus potentia.
- 106 Vis autem eruens à materia formas quas illi postea, ut lux diaphano, porrigit, & intellectuales intellectas actu facit, intellectus agens est.
- 107 Ex quibus coeuntibus resultat mens adepta.
- 108 Qua ubi speculatur, actu mens; ubi feriatur uerò mēs habitu.
- 109 Omni tamen ex parte, & ab omni materia seiuncta.
- 110 Intellectus quidem potentia, quia sit omnium & sui met susceptus.
- 111 Agens uerò, quia formas ipse spoliatur à materia.
- 112 De reliquo iam patet.
- 113 Vnde & undequaq; immortalis erit, De foris que accedens
- 114 Et in omnibus hominibus unus numero.
- 115 Phantasiarum dumtaxat multiplicium ratione distinctus; Superest uis secundum locum progressiua.
- 116 Cui accidunt motum, instrumentum, & mouens.
- 117 Motum autem ipsum animal.
- 118 Instrumentum membra; per musculos tractu & pulsu à mouente rapta.
- 119 Mouente inquam in brutis appetitu.
- 120 Et in homine uoluntate.

- 121 *Quæ tamen, quamuis improprie, mouentur adhuc ab immobili mouente bono.*
- 122 *Sed bono, uel falso apparenti in imaginatione, uel uero à recta ratione, id est intellectu actiuo, ut in hominum perpaucis, præscripto.*
- 123 *Imaginatio tantum, quæ præsentia sunt contuitur, intellectus autem futura magis.*
- 124 *Sed et animæ sunt quædam passionēs naturales somnus et uigilia, & hæc quidem sensitiuæ solum & motiuæ.*
- 125 *Per caloris et spirituum ab exterioribus uersus principium retractione; uel à principio, post expergesfactionem, rursus uersus exteriora diffusionem.*
- 126 *Solent autem in somno insomnia fieri, id est inuoluntaria phantasmatum agitatio in imaginatione.*
- 127 *Horum modò, alia uera, & alia falsa.*
- 128 *Falsa sorte & temerè fiunt, Per continuam & monstruosam imaginationis spectrorum in se productionem.*
- 129 *Vera autem et futura præfagietia, si quam causam habent, præter in hac re somniatam. Aristotelis sententiâ, ipsi imaginatiuæ ab intellectu agente quasi ab uniuersali particulare defluit; Rerum enim ille producendarum præscit oēs rationes.*
- 130 *Adsunt vltimò memoria, & reminiscencia, imaginatricem proprie, improprie uerò mentem, quæ sine phantasia non speculetur, consectantes.*
- 131 *Memoria quidem habitus est post impressionem retinens imagines quas rursus, si præsto fuerint, ubi uolet expromat. Et quasi repetita phantasie operatio.*
- 132 *Vnde & ubi phantasia, sedem hæc habet.*
- 133 *Non autem in occipito, quasi species sedes habeant.*
- 134 *Vnde & obliuio non est abolitio specierum, Sed actus ab obiecto disiectio.*
- 135 *Si uerò obrutæ sint imagines, illas reminiscencia instaurat; Quasi memoriæ collapsæ rediuiua.*
- 136 *Quò sit, ut illa bestiis sit communis; quia & ea in qua uisa*

- imprimuntur;
- 137 *Hac uerò homini propria. Eget enim ratiocinatione, ut quando per similia, uel dissimilia, coniugata, ab intentionibus simulachra coniectans, uel contra, rei tandem ferè deperditæ memoriæ recuperat.*
- 138 *Utraq; præteritorum est.*
- 139 *Quin eget utraq; rebus tempore, & animaduersione.*
- 140 *Rebus inquam, quæ tametsi absentes, suis tamen simulachris quasi præsentibus appareant.*
- 141 *Tum & rem rei, tempus temporis, tempusq; rebus exactè comparare noscat.*
- ATQ. hæc de natura.*

EX MATHEMATICIS DISCIPLINIS.

- Perpendendum erat secundo loco uniuersum, ut quantum; Id est quæ non amplius ut naturale corpus, sed ut mathematicum pateretur, ut potè dimensiones, figuras, partium magnitudines, & proportionēs. Tum & eorum quæ aspectum mouent uaria phænomena, & alia id genus.*
- 1 *Quorum omnium uel certissima est scientia.*
- 2 *Quantitas ergò abstracta primò, nouum & proprium scientiæ genus introducere potest.*
- 3 *Erat autem continua, uel discreta.*
- 4 *Illa potentia diuisibilis; Hæc uerò iam actu partes diuisas habens.*
- 5 *Illius partes, linea, superficies, corpus.*
- 6 *Quarum affectiones; ut rectitudines, curuitates, figuras, diuisibilitatem (ut me bene exprimā) ductibilitatem, mutuas connexiones, rationes, proportionēs, & commensurationes, docet Geometria.*
- 7 *Discreta uerò id est numeri proprietates, ut alijs alios addere, demere, augere; tum & partiri, & alia huiusmodi Arithmetica.*
- 8 *Hæ scientiarum omnium stabilissima sunt, uerèq; demonstratio-*

tionis exemplaria.

- 9 *At Arithmetica prior geometria;*
- 10 *Quanto unitas puncto,*
- 11 *Punctum enim vnum, sed cum positione & situ.*
- 12 *Quin & pluribus competit numerus, quàm magnitudo. Non enim ex continui diuisione numerus omnis eruitur.*
- 13 *Huius geometriæ usus ferè est infinitus. Ne dicam cum alijs, geometricis entibus nihil inesse boni.*
- 14 *Phantasiæ enim ornat pulchris & rationalibus figuris, Ex quibus discimus, cur illarum aliæ & aliæ varijs corporibus fuerint accommodatæ; ubi non minore natura fidè sui artificij & industria, nec macroiorem philosophandi materiã, quàm in quibusuis alijs nobis reliquit.*
- 15 *Geometria rursus si tollatur, maior pars labitur disciplinarũ, Et radicitus omnes mechanicæ.*
- 16 *Rerum publicarum administrandarum recta ratio; labascit enim sine mensuris & ponderibus omnis iustitia. Quid ciuitates, quomodo bene munerètur uel adificarètur?*

EX ASTRONOMIA.

Huic subest Astronomia;

- 1 *De cælorum & siderum affectionibus, quas patiuntur ut quantita, tractans: Vt potè numerum orbium, uarietate situs, radios, ordines, ambitus, cursus, mutuasq; distantias.*
- 2 *Quantum uia signi inuestigari potest, & a posteriori.*
- 3 *Vndè naturalis quidem est scientia ex parte subiecti, in quaesitis autem ut plurimum, medijs autem & demonstrandi modo, tota mathematica.*
- 4 *Eccentrica & epicyclus ipsa consequitur. Quos & nos admittimus, illæsis (quod magis est) naturalis philosophiæ principijs.*

EX IUDICIARIA.

- 1 *Hæc ex varijs siderum aspectibus, cælorum constitutionibus,*
mu-

narios subnascentes effectus obseruat.

Quin & nobis hominibus tametsi liberis, quasdam propensiones a cœlis infitas & sepè adeò uegetas ut uix interdum flecti possint.

2 Potest autem semper illas homo redigere, quia omne fatum omnemq; naturam sua voluntate supermeat.

3 Tot autem diuersorum euentuum causa, ad numeros Pythagoreorum more non amplius cum Ptolomeo referenda Sed adhuc latet.

4 Patet autem cur sidera retrograda, ubi nobis propinquiora, uegetius in hæc inferiora agant.

Semper autem minus benigne.

5 Quin & credo nostrum hoc clima suo opposito hoc æuo fœlicius esse Quod æstatem & hiemem habeat quàm illud temperatiora.

6 Si uerò sit assolutè loquendū, hoc nostrū longè illo inferius est.

7 Eclipticum autem omnium semper fortunatissimum.

8 Vt arcticus & antarcticus contra infœlicissimi.

EX GEOGRAPHIA.

1 Ab astronomia pendet Geographia. Terræ id est globi unius ex terra mariq; simul dimetiens spatia & altitudines.

EX PERSPECTIVA.

Subit & geometriam perspectiua. Quæ de uarijs apparentijs, & uisionibus quærit rationes.

1 Et omnes fieri per lineas rectas aduertit.

2 Et eas quidem integras, refractas, uel reflexas.

3 Reflexas autem semper ad angulos æquales.

4 Omnium enim illa est breuissima uia, quam semper natura tētat.

5 Quæ quidem natura & oculi christallinum humorem noluit rotundā penitus sortiri figurā; ne omnia subuersa uiderētur.

Hinc

- 6 *Huic subiiciuntur architectura, pictura, & sculptura.*
 7 *Magiam autem mathematicam, seu numeris, seu figuris utatur, tum ueneficam Goetiam, & Necromantiam, Turgiam, & Cubalam, & reliquas id genus praestigiosas & illusi-
 ab hominis liberi fide refellendae;
 Demones enim esse nuga.*

EX MUSICA.

- 1 *Arithmetica uerò, quae de numeris simpliciter subest musica,
 Quae de numeris sonoris.*
 2 *Quorum simplices & potissimi, diapason, diapente, diatesseron, ditonus, & qui ex tono & semitono fit.*
 3 *Inter quos diatesseron ditono perfectior est, contra plurimos.*
 4 *Nam inter proportionales, simplices compositis, & integra diuisis exquisitiores.*
 5 *Quò fit ut inter omnes multiplex;*
 6 *Et inter multiplices, dupla quam diapason;*
 7 *Particularis autem superpartiente*
 8 *Et inter particulares sesqui altera, quae Diapente, sunt dignio-*
 (res.

EX PRIMA PHILOSOPHIA.

- MUNDVS postremò ut ens considerandus uenit; à qua speculatione, reliquae postea scientiae sua principia promunt.*
 1 *Ens autem mundus est non in anima, nec per accidens, sed reipsa per se extra animam.*
 2 *Nec rursus quae sunt in mundo aequae omnia sunt entia;*

SUBSTANTIA.

- 3 *Nam quae non haerent subiecto, magis.*

ACCIDENS.

- 4 *Quae uerò subiecto opus habent ut sint, minus.*

Vnde

- 5 Unde substantia præ reliquis novem summis rerum generibus
 merito magis est ens.
 6 Illis imò causa cur entia sint.
 7 Nam quid aliud illa, quam huius dispositiones sunt?
 Et rursus substantia duplex (ut supra dictum)
 8 Sed prima per se subsistit;
 9 In hac uerò secunda, nec alibi.
 10 Ut autem communis notio, existit in mente nostra
 11 Substantia prima rursus duplex corruptibilis, & illa quæ nec
 ortui nec interitui est obnoxia.
 12 Hæc transmutationū illius est causa (ut iam fuse demonstrāū)
 Deveniendum enim erat ad aliquod alterans inalteratum
 Sed utraq; substantiam nō amplius ut corpora, imo quatenus
 substantiæ & entia, in suas primas causas & principia re-
 solvamus. Quæq; sint hæc principia inuestigemus, dehinc
 de illis disputemus.
 13 Sint autem hæc finita oportet, Cum & secundum formā (quod
 aiunt) tum & secundum rectitudinem.
 14 Nam ubi datur medium, detur primum & ultimum oportet.
 Essent alioquin in natura effectus innumeri.
 15 Quævis enim causa proprium sortitur effectum.
 16 Abhorret autem infinito natura.

SUBSTANTIA MORTALIS.

- Corruptibilis nunc ergo substantiæ (nā de cœlesti alia est ratio)
 Primam materiam, & primum efficiens, quem primum mo-
 torem nuncupabamus, sumus in naturalibus affecti.
 17 Prima autem forma (quæ nunc hic indaganda venit) sit idem
 primus motor necesse est res tamen extrinsecus perficiens.
 18 Idem enim ultimum agens materiam præparat, & formam in-
 troducit.
 19 Et rursus quis præter hunc illius ultimus alius erit finis?
 20 Nam omnia naturalia moventur ad opus tanquā summū bonū;
 Quia.

21 Quia ad illius imitationem.

SVBSTANTIA INCORRVPTIBILIS

ET COELESTIS.

- 22 Cælestium autem corporum non eadem quæ inferiorum est
materia; alioquin essent & corruptibilia.
- 23 Sed magis illius uice quoddam habent subsistens subiectum;
Ad locum tantummodo potentiam habens.
- 24 Imo quoddam quasi medium inter pura materialia, & ea quæ
materia uacant; Vt lux nobis est argumento.
- 25 Cæli autem orbium motores eorundem formæ sint oportet,
Dant enim illis esse.
- 26 Sint autem orbes animati, vel his inferioribus quorum sunt
causæ essent imperfectiores;
- 27 Quatenus tamen appetunt & mouent, alijs enim animæ sarcin
is & officijs immunes sunt.
- 28 Suorum orbium ergo simul & semel agens erunt finis & for
ma, Orbes enim propter motores.

INTELLIGENTIAE.

- 29 Sed si tales sint hæc formæ ut et a materia abstracta (quod su
pra) intellectus ergo sint oportet.
- 30 Nullus enim formis alius superest existendi modus præterquã
quod uel sensiles esse uel intellectus.
- 31 Sintq; numero plures, quia plures orbes & motus (ut ab astro
nomia accepimus)
- 32 Nec præter hos alij nec alij intellectus, nullum enim in natura
est otiosum.
- Præsertim eorum quæ sunt omnium optima.
- 33 Sed inter illos adest ordo; Vt & inter suos orbes.
- 34 Omnesq; simul conspirant in unum; alioquin non unus esset
mundus.

F DEVS

- 35 Quo fit ut unum detur primum sub ratione Finis, boni & desiderati illos immobiliter mouens; Cui omnes intenti, quod unum sit uniuersum causa sunt.
- 36 Erit ergo & illorum simul & semel primum agens finis &
- 37 Sed si illorum, ergo rerum omnium. (forma.
- 38 Erit igitur ens entium; omnibus uitam & esse communicans. His uero clarius illis obscurius.
- 39 Sed quale nam illud erit praterquā omniū prima intelligētia?
- 40 Nam nulla uita quam intellectuum deliciosior esse potest; hæc enim sola seipsa contenta.
- 51 Sed si Deus fuerit intellectus, quid aliud quam seipsum intelliget? Nam ab aliorum intellectu uilesceret.
- 52 Quo fit ut solus omnium uitam uoluptuosissimam traducat; Quia seipsum solus integrè & uniformiter undequaq; cōplectitur & aequat.
- 53 Præterquem reliqua omnia quadantenus potentia sunt immista; Et ita non omni indignitate uacant. Hæc illi comparata nimis ab eo longe defiscunt.
- 54 Hoc illud est primum unum rerum omnium principium Parmenidis, A quo ubi iam alia, quia illius opificia, degenerāt, iure iam secū introducunt in rerum naturam quatuor summa genera Idem alterum statum & motum.
- 56 Huic deniq; merito adscribendus motus diurnus totius animalis cœlestis.
- 57 Alijs uero alij motus.

EX CHRISTIANA PHILOSOPHIA, ET
VERB DIVINA THEOLOGIA.

SED & in his quæ dum ad religionem spectant, magis nostra referunt, paulisper immoremur; unde nisi maiorem fidem, quam semper incolumen conseruo, lucidiorem saltem
ueri-

ueritatem hac exercitatione mihi comparabo. *Quæro ergo:*

- 1 *Vtrum Dei uoluntas in contraria feratur?*
 - 2 *Necnō utrū repēti motu et noua uolūtate creauit uniuersum?*
 - 3 *Vbi postquam hominem in atate perfecta constituit;*
 - 4 *Cui primo corpus deinde animam infudit; Vtrum omnes poste-*
ri tales erant naturi si immortales?
 - 5 *Omnes enim ante peccatum mori & non mori potuerant,*
 - 6 *Verum id gratia magis quàm natura.*
 - 7 *Sed utrum Deus ante reprobatorum natiuitatem, illorum præ-*
sciat miseram sortem æterni supplicij.
 - 8 *Vnde et illud: an Mortales liberum habeant arbitriū nec ne?*
 - 9 *Rursus postquàm fuit necessaria diuini uerbi incarnatio ad*
humani generis instaurationem; Potuit ne peccare?
- AT Q.* hæc de rerum VERITATE quantum Christiana
fides & lux naturalis suppeditare potuerunt.

EX ETHICIS.

- 1 *IN cuius possessione mentis omnis perfectio latet.*
- 2 *Vndè & hominis præcipua fœlicitas.*
- 3 *Vt cuius melior pars est intellectus.*
- 4 *Imo quid in homine diuinum nullum ferè cū toto reliquo com-*
mercium habens.
- 5 *Quin & Dei uitæ nostra contemplatrix est æmula; Hac igitur*
nulla beatior.
- 6 *Tum quia nullius externæ rei sit indiga; Mens enim quit se-*
ipsam intelligendo perfici & fieri contenta.
- 7 *Sed & altera hominis ingenua pars nempe uolūtas edocenda,*
Quæ bona et PER SE EXPETENDA sunt operari; Tunc
enim demum absolutus et bonus erit homo (quod querimus)
Nam & Deus in solo sui ipsius intuitu minimè quiescit; Sed
& extra se bonum omne producit.
- 8 *(Quamobrem in ipsius primi boni idea tanquam reliquorum*
norma non abs re beatitudinem omnem Plat. collocarit)
- 9 *At per se uidentur expeti, non quò nos rapit appetitus;*

F ij Qui

Qui magis apparentibus quàm ueris assentitur et oblectatur;
 quinetiam & brutis est communis; nos autem propriam ho-
 minis felicitàtem uenamur:

- 10 Expetibilia sunt ergò in hac parte quæ recta ratio hominibus
 peculiaris præcipit, ut in qua sunt idem uerum & bonum.
- 11 Hominis itaq; erit optimum, & per se expetendum secundum
 uirtutē actio, ut quæ non corporis sed animæ sit perfectio.
 Et ad quam natæ sint & proclines, omnes hominis ingenuæ
 facultates.
- 12 Quæ per se sola, propter hanc uerò reliqua omnia à uiro bono
 expetantur.
- 13 Bono inquam, nam optimum in unoquoq; genere reliquorum
 est regula.
- 14 In illaq; tota uiri boni uoluptas sita.
- 15 Quin & prauum hominum genus hanc sponte laudat; A qua
 si quid exorbitans perperat, in necessitatem uel quid hu-
 iusmodi non uirtutis contemptum culpam referre audeat.
- 16 Est & uirtus ut omnium optima, sic & pulcherrima, & iucun-
 dissima; quæ quidem omnia uni felicitàti competunt.
- 17 Virtus demum ex honorabilibus est; præter quàm si quid boni
 laude duntaxat dignum, & consq; alia bona, quantum illi
 capeffende iuuant.
- 18 Beatus erit ergo qui secundum uirtutem operabitur.
- 19 Qui tamen non careat corporis & fortunæ bonis.
 Nam in omnibus quæ ad animā & corpus (ex quibus tãquam
 potissimis homo resultat) spectât, bene se habeat, est necesse.
- 20 Sed uirtus erat omnis habitus animæ secundum rationem; id
 est quicuius actus in nobis quidem a natura imbecillis, uerū
 industria humana comparatus demum & absolutus.
- 21 Quò fit ut præ reliquis animæ proprietatibus, ut quorum nō sit
 efficiēs uel autor natura, sed nos ipsi, solæ decus mereantur.
- 22 Et horum alij ornandæ animæ parti (quæ mens est) præfunt;
 quorum finis sola speculatio ueritatis, sunt enim rerum quæ
 secus se habere nō possunt, quarūq; principii est natura uel
 saltem

- saltem extra nos est,
 Doctrina uel longa rerum obseruatione comparandi.
- 23 Ut sapientia, quæ primarum causarum cognitio.
 24 Intellectus qui principiorum,
 25 Scientia effectus in causas reducens.
 26 Tum & qui nostras actiones dirigunt;
 27 Ut prudentia, quæ rerum quæ uitæ prosint uel obsint;
 28 Ars quæ faciendorum cumulat rationes.
- 29 Alij concupiscibilem animæ partem ex seipsa absq; modo feram & in affectibus indomitam dum ratione moderantur in rationalem serè transformant.
- 30 Ex qua actione boni uiri & sælices secus uero prauis & infælices appellantur ibi enim honestum & turpe locum habent Et horum omnium principium in nobis est.
- 31 Et hos uirtutes moris denominant, tum quia circa mores hominum & affectus uersantur, necnon quia more & sola assuefactione concipere semelq; conceptas, fouere queant hominum ingenia.
- 32 Nam cum positi sint in affectibus pro ratione temperandis, unde & in rebus contingentibus quæ suscipiunt magis & minus;
 33 Temperatum autem in omnibus sit medium; (nus;
 34 Et excessus in extremis;
 35 Et in illo uirtus;
 36 In his uerò uitium posita sint
- 37 (Peccant enim uel quia nimis, uel quia minus, Necnon in omnibus mediocritas quod uirtutis est res conseruat, excessus uerò quod uitium est peruertit, & destruit) Medium nunc in omnibus, ut potè quod sit ad relationem, exquisitè inuenire, uel inuētum assequi contra raptū sensuum, nisi diuturna pæna et carnis prælonga demulctione nimis erat difficile.
- 38 Sed minimè solus mentis assensus, uel sola appetitus electio, uel cuiusdam bene gesti fortuitus euentus uirtutem absoluit. Nisi simul hæc omnia concurrant.
- 39 Quo fit ut nullum ab inuito bonum.

- 46
40 Et ignari nulla uirtus nullaue sit culpa. Modo non sit prudens
ignarus.
- 41 Nec studiosus est, qui bene gestis non latatur, contrarijs uero
dolet: sunt enim uoluptas et dolor affectiones sectantes ap-
petitum uel potitum uel labefactatum; unde et in his maxi-
mè uirtus & uitium posita.
- 42 Nec qui semel nisi qui semper bene operatur præclarum, diui-
num, perenneq; studiosi nomen meretur; Quin etiam inter-
mitteretur sælicitas quæ debet esse continua.
- 43 Nunc uero medium & uirtus illud est in rebus humanis, quod
rationem modi loci temporis & personæ & aliarum huius
modi circumstantiarum seruat.
- 44 Extrema uerè & uitia, quæ pro illis excedunt uel deficiunt.
- 45 Horum autem (quod sapius repetere conferet) libera est re-
cta ratio benè res edocta.
- 46 Sensilium deliciarum medius usus temperantia, inter extre-
ma intemperantiam & stupedinem.
- 47 In periculis, fortitudo, inter audaciam, & ignauiam.
- 48 In ira mansuetudo, inter iracundiam, & immobilitatem.
- 49 In pecunijs, liberalitas, inter auaritiam, & prodigalitem.
- 50 In honorum appetentia, magnanimitas, inter insolentiā &
pusilanimitatem.
- 51 In iuris nec pluri nec paucioris usurpatione, iustitia, & hæc
duplex.
- 52 Honorum & dignitatis præmij & supplicij distributina.
- 53 Quæ uero circa lucrum & damnum commutativa.
- 54 Illius medium geometricum.
- 55 Huius arithmeticum; unde introductum est numisma, perpul-
chrè sane & admirabiliter, in communem mensuram.
- 56 SVP. est amicitia, id est boni alicui expetitio;
- 57 Cuius uel honestas, uel utilitas, uel iucunditas, est parens.
- 58 Verum illa smiles ut plurimum; Reliquæ dissimiles magis mu-
tuo afficere solent.
- 59 Omnium autem illa est probatissima; quæ & alias contineat
ubi

47

ubi eadem specie & amatori & amato sit amicitia occasio.
Solumq; bonum erga bonum, non ut in alijs erga prauum,
affici contingat.

AD AMOREM.

- 60 SED & amorem tacere nequeo. Quem proprie sumptum, Recens
amoris ab
authore
definitio.
nec pro concupiscentia, non melius explices, Quam appeti-
tus mancipationem erga pulchritudinem.
- 61 Possunt enim pulchra semel apprehensa ex se ipsis appetitum
ad se mouere.
- 62 At quod aiunt amorem pulchritudinis fruendæ desiderium es-
se, uel affectus unionem, ut nouus homo Scaliger, male. Nā
qui nitidi amoris exemplaria flagrantes pro amatis mor-
tem libenter obire uoluerunt, nō fuissent amantes, cuiusmo-
di Ariodantes & Alceste. Rursus nostri magis, quā illius
erit amor fruendi libido. Quia nobis expetimus bona nō illi
Ingenuē. demum fateri solent qui candide amant, quia alijs
obsequi uelle sit uirtutis: sibi autem, cum alterius uel pud-
icitia iactura, uel connubij noxa sit uitium.
- 63 Solet autē illū hic alter affectus, quem amorē improprie uul-
gus nominat, cōsequi: Nā omnia bona nobis natura desideramus.
- 64 Modo pulchritudo est gratia ex plurium, & contrariorum
contemperatione resultans.
- 65 Non ubi contemperata pereunt & nouam formā subueſtiunt
- 66 (Quo fit ut saporum nulla uel odorū ferē sit pulchritudo) Sed
a quibus saluis iuxta positis, lepor ille subnascatur.
- 67 Vnde nec qualitas, nec quantitas est pulchritudo; Sed quip-
piam super illa omnia.
- 68 Huius autem, illa optimē disposita sunt susceptiua.
- 69 Erit autem triplex. In decoro rei cuiusq; prima; Quod in
homine uirtus.
- 70 In coloribus & delineamentis pro rationibus geometricis,
uel harmonicis moderatis altera.
- 71 In sonis postrema.

Quibus

- 72 Quibus, menti oculis & auditui tantum potiri licet.
- 73 Ergo per tactum nulla fruitio, sed magis insani furoris & brutis maxime digni expletio. Nullus enim symmetriae & proportionis tactus est gustator.
- 74 Quò sit, ut solus homo sit pulchritudinis index, & potitor.
- 75 Solusque irreciatur amore.
- 76 Et inter homines, nobiliores, ut omnium perspicacissimi. Nam incogniti, quamvis inuisi, nullus amor.
- 77 Nec mirandum si melancholicorum sint ferè indissolubiles amores; Quippe qui rem amatam, semel apprehensam, humoris tenacitate & firmitudine, phantasiaeq; illis familiari agitatione, in mente continuo voluent.
- De amoris fascinatione & insania, ne & ego insanire videar, nulla verba.
- Hactenus ergo de moribus, & Amoribus.

EX POLITICIS.

- Sed quorsum amicos? quorsum viros hic bonos tandiu uenati sumus? quosnam amabunt? quibusue beneficient? nisi in societate degant. demum quis solus sibi sufficere potest?
- Qui ea quæ vitam traducere tantummodo, ne dicam quæ beneficiant, subministrare sibi queat:
- 1 Petat ergo cœtus homo, ad quos est natus, & quorsum loquelam habuit.
 - 2 Præter eam tamen societatem, quæ naturalis est, inter marem & feminam, & quæ communitatum omnium est prima radix.
 - 3 Verum non indifferenter sese quibuscunque semel uir commiscere debet, sed pulchras eligat. Facit enim ad felicitatem pulchra & formosa soboles.
 - 4 Vtrum autem unam, vel plures, adhuc sub indice lis est.
 - 5 Modo qualem societatem quæret? eam profecto, quæ ad bene, beateq; viuendum faciat. Non enim unius uiri boni, & mul-

multorum distincti sunt fines;

- 6 Immo ciuitatis, est illum per se imbecillem perficere.
- 7 Huius ergo moderanda ratio, non alia, quam quæ fuit in Ethicis uiri boni formandi. Nam quod ibi de iusto, prudenti, & forti, hic de iustis, prudentibus, & fortibus est intelligendum.
- 8 Quod item vir bonus omnia peteret a se ipso, sic & ciuitas sit sibi sufficiens. Vnde & de sanitate, & fortunæ bonis huic providendum est.
- 9 Non luxuriosè tamen vel nimis parcè, sed mediocriter. Alterum enim segnes, alterum subdolos ciues reddet.
- 10 Nec bellum spontaneum admittat, ut Lacedæmones, quod ciuitatis ruina; Sed magis pacem, quæ societatis omnis est anima. Et magnum præbet opus ad feliciter degendum.
- 11 Bellum tamen quandoq; probo, sed quod victoria consequuta pacem perditam instauret.
- 12 Verum præter hæc in ciuitate, cui nihil postea desideretur, affabre constituenda, sex amplius sunt necessaria: Dei cultus, numinum enim veneratione efferi magis domantur, quam metu supplicij, ut quorum uirtus inuincibilis, & inuitabilis videatur;
- 13 Deinde alimenta;
- 4 Tertio artes, multis enim instrumentis eget uita nostra.
- 15 Arma quarto, legum vltimum refugium.
- 16 Quinto facultas comparandarum pecuniarum, & ea mediocris, ut iam dictum;
- 17 Demum iuris administratio.
Modò his omnibus suppeditandis, Magistratus, & quique pro suis partibus idonei sunt demandandi;
- 19 Verum ut bene delegentur, & delegatis mos geratur ciuitatis duæ sint partes: Præcipiens, & Parens, quod in homine bene nato mens & uoluntas.
- 20 Et illa tota & nuda fermè sit recta ratio. Quæ in hac altera quâuis mediocrior, non refert; modo illi fideliter obsequatur.

G. Vnde.

- 20
 21 Vnde non mirum si omnes aequè in ciuitate beati non sint. Non enim pariter in homine iudicium, & concupiscentia.
 22 Quilibet tamen scilicet, qui sine inuidia fuerit sua sorte contentus.
 23 At præcipientes, & primates in ciuitate, vel omnes, uel plures, uel paucos, uel vnum esse contingit: Vnde & tot distinctæ Respublicæ, Popularis, potentum, optimatum, & Et hæc rursus regia uel tyrannica; (unius.
 24 Omnium autem est probatissima, in qua boni uiri, ut qui recta ratione, dominantur.
 Sed quid boni? nam hodie minimè declinatur in plurali (ut cum grammaticis loquar)
 25 Vix enim pares sine inuidia, quam bellum ciuitatis perniciēs concomitatur, simul regnare possunt.
 26 Regia ergo amplectenda, quæ superest reliquarum commendatissima.
 27 Aliæ uero, quæ omni proportionē & Arithmetica, & Geometrica uacent, pueriles sunt, & fragiles, temporaneæq;.
 28 Verum quouis modo accidat, principes optimi sint oportet; ut in quos omnis uirtutis, & scilicet normam, & fastigium, reliquorum omnium sint oculi coniecti; Vel quales in ciuitate forent beati?
 29 Nam alij nisi boni uiri, modo boni ciues parum interest.
 30 Erunt autem boni ciues, ubi pro ratione conspirabunt omnes in communem salutem & bonum; Instar uniuersi motorum, & rectorum; Nam ita magis foret beata Respub. & perennis, quæ mundi iustitiam æmulabitur.
 31 Quò fit ut nullus optimus sit Reipub. moderator, qui sit naturalis Philosophiæ & Methaphysicæ ignarus; Nam quomodo bonum huius, uel illius, ut potè ciuitatis discernat, qui prius boni ideam, ut reliquorum bonorum regulam, non fuerit in primis affsecutus? (Eonāq; primo cognoscimus, quod prima cuiusq; generis mensura) Et quas leges component, qui ciuium mores et ingenia, imo nondū seipsos cognouerūt?

32. *Beata ergo Respub. in quibus uel Philosophi regnabunt, uel
Reges philosophabuntur.*

*Habeant saltem magistratus Philosophos in legum latores,
quorum sanctiones postea hominum fideli generi tradant
administrandas; Vnde iuris ministri uocentur.*

*Qui minimè quicquam in consulto Philosopho audeant inno-
uare.*

Nam uel a scopo aberrabūt, uel quicquā temerè pronūtiabūt.

Vn de fue
rint intro
ducti iuris
consulti
quos Vul
gus Legi-
stas vocat.

IN LEGVM HODIERNOS PROFESSORES.

33 *Vt qui lupanaria, & fenora, luxuriosa nimis libertate in ciui-
tate concedunt; Quorum altero nihil adolescentibus, qui ci-
uitatis thesaurus, Altero uerò plebi, quæ Reipub. brachiū,
perniciosius potest contingere.*

34 *Extra rem uero (ut secum paulisper iocer) ius triplex faciunt.
Gens enim a ciuitate ratione minimè differt, nisi quantum
factus unius a gemellis.*

*Nam certa ciuitatis est periodus, & magnitudo, certusq; ci-
uium numerus, qui supersæctans nouas alibi quærat sedes
oportet, easdem tamen leges & mores retinens.*

35 *At quid dicas Vbi ius naturale brutis commune definiunt?
Quasi quibus negata ratio anima iuris, ius ipsum sine seipso
illis impertiri queat, rursus quomodo ubi nulla iniuria ibi
ius esse poterit?*

36 *Memini etiam beatas istas leges magis pupillis quàm uiduis fa-
uere, non aduertentes ætatis imbecillitatem interdum emen-
datum iri, sexus uero nunquam.*

At hæc sunt mitiora, audite magis nouum:

37 *Iudicem qui contra quam deposuerint testes suis met oculis cri-
men uiderit successisse, sinunt infontem cruciari, reum ue-
ro impunitum dimittere, cōtra ius omne, modò fuerit (quod
aiunt) secundum allegata & probata, Apagesis nam hor-
rore obmutesco.*

EXPOETICA.

SED popularis pars ciuitatis, quæ legibus erat moderanda, ut cui imperitæ, uiuendi ratio debebat a prudētibus esse præscripta, prius quàm ui, & metu, assensu libero erat ad uirtutem inuitanda, & a turpibus absterrenda; At nudis Philosophiæ traditionibus erat inepta, ut quæ turbidam apprehensionē habet; Quin essera, & quæ Phantasmatibus magis quàm recta ratione uiuit, non cuilibet legitime imperanti libenter auscultat; nisi etiā ad id sensu & affectu moueatur. Accedit ad hæc, quia sola doctrina doctos, uirtutis autem studiosos appetitus assensio facit; Sub rerum ergo sensilium, ut earū quæ maxime mouent, aspectu & imitatione fuerunt homines prouocandi.

- 1 Vnde Poetica; Quæ sub urbano risu, uel admiratione, tãquàm sub esca, rudium, imo & peritorum animos allecitat, honestum instruit, & bene educat.

Sed in quibus artibus nomen profiteatur uideamus;

- 2 Nam cum aliæ sint facientes, aliæ uero imitantes, in his meretricule est reponenda.

- 3 At imitantium rursus, aliæ sub rebus inanimatis, aliæ sub animatis res fingunt.

- 4 Illius generis sunt Sculptura, et Pictura, sed quæ solum oculū mouent, & decipiunt.

- 5 Quarum hæc solis coloribus & umbris in superficie.

- 6 Illa uero delineatis solidis corporibus.

- 7 Quæ uero rebus animatis omnes sensus illudit, est Poetica.

- 8 Quæ proculdubio inter liberales & homine maxime dignas facultates reponenda uidetur.

- 9 A sapientia nihil fere differens; Nisi quia Philosophia rerum quæ sunt extra animam uera sit in anima imitatio;

Poetica uero sit illarū per nos ipsos de foris representatio.

- 10 Vnde nullus absolutus Poeta foret quin sit & Philosophus; Nam quomodo res omnes effingere poterit, quas in mente pri-

mum

mum non conceperit?

- 11 *Hanc merito Plato Artiū omnium quasi introductricē tenet.*
- 12 *Et Aristoteles, nullum optimum fore Poetam, qui in res omnes sese fere non transformet, & abstrahi sinat; At res omnes sapientis anima est.*
- 13 *Huius autem subiectum ex antedictis; erit res hominum imitatione expressa animos afficiens.*
- 14 *Quæ nisi fuerit uera (accidit enim raro ut quæ sunt gesta, quantū uult Poeta moueāt) Sit tamē uerisimilis oportet, et quæ possit esse, Impossibile enim nulla fides, nec opinio.*
- 15 *Vnde differt ab Historia: quia hæc quæ uera sunt, sincerè narrat; Illa uerò quæ rem quamq; decet refert adanūsīm, & nomina rebus imponit.*
- 16 *Ideoq; est uniuersalior.*
- 17 *Vt plurimum igitur pro subiecto fabulam habet, ab historia tamen desumptam.*
- 18 *Fabula autem id est res ficta altera simplex, altera implexa; id est quæ in maximas mutationes deducit ut Peripetiam uel Agnitionem.*
- 19 *Hæc illa tanto præstantior, quanto magis mouet; Non enim uehementer afficiunt, quæ eodem modo se semper habent.*
- 21 *Sed in omni fabula ut sit decens, desideratur Magnitudo.*
- 22 *Nam in hac, quæ tamen careat excessu, sita est rerū omnium*
- 23 *Nam parua ob exiguitatem oculum effugiunt; (pulchritudo.*
- 24 *Nimis uero grandia uno intuitu completi non possunt.*
- 25 *Dicitur et fabula una quia sit uirius actionis uel unius personæ; Vnde iure notatur Ariostus, qui eodem carmine plures actiones concluderet implicitas.*
- 26 *Et omnis imitatio Poetæ est secundū mores, sententias, diCTIONem, & melodiam.*
- 27 *Poetica nunc alia Epodia, alia Scenica.*
- 28 *Scenica rursus uel dū audientes urbano risu persundit, a turpibus et ridiculis reuocare querit; uel ducendo in admirationem, ad magna prouocare.*

Ille

- 29 *Illa est comœdia, tractat enim de ridiculis, & ideo uile hominum genus introducit exitusq; incundos finit;*
- 30 *Hæc autem Tragœdia; Quæ dum mouet per admiranda & ea uel miseraabilia in commiserationem, uel per terribilia ad metum, mœstos & turbulentos exitus facit.*
- 31 *Magis autem id fortietur si inter consanguineos cruentos illos successus fingat ut patrem, et filium; Hostem enim hosti malefacere nimis familiare, & ideo mirus mouet; Quamobrem illustre hominum genus imo medium inter Deos & homines intromittit.*
- Atq; hæc de Poetica.*

EX RHETORICIS.

- NUNC ad eam quæ persuasionem querit; Quæ Rhetorica est, id est ars bene dicendi;*
- 1 *De quibuscunq; subeuntibus hominis uoluntatem orationem formare ualens; Vt Topica disputationem.*
- 2 *Differentes tamen, quia solum hæc controuersia uictoriam; Illa uero non eo contenta, uoluntatis assensionem affectat.*
- 3 *Tum ubi Topica thesim, altera semper hypothesim propositam habet; De uniuersalibus enim nulla persuasio.*
- 4 *Vnde maximo eget hæc artificio; Fide nimirum, & motu.*
- 5 *Vtrumq; autem efficiendi uis, est posita in rebus, & uerbis; Et his inueniendis & collocandis.*
- 6 *Res autem ducuntur uel ab orantis persona; ut probitate, & autoritate, id est prudentia;*
- 7 *Vel a locis communibus, a quibus de quoq; rerum genere trahitur disputatio.*
- 8 *Quæ tot sunt, quot rerum genera quæ sub persuasionē cadunt.*
- 9 *Res autem huiusmodi, alioquin infinitæ, distinguuntur propria auditorum ratione; Nam auditor aut tantum est. auscultator, aut orationis moderator.*
- 10 *Illi delectationem parat orator,*

Quò,

Quò sit ut de incundis & honestis, vel his contrarijs tractet;
Vnde de his quæ præsens tempus respiciunt.

- 11 Moderator autem uel de præteritis, quatenus iusta, uel iniusta fert iudicium.

Aut de futuris, id est quatenus utilia, uel inutilia.

- 12 Ex quibus subnascuntur tria causarum genera exornationis, iudicij, & deliberationis.

- 13 Exornationis igitur erunt loci uirtutes, et uitia; Quamobrem in Ethicis optimè sit uersatus orator oportet.

- 14 Iudicij uerò argumenta sunt leges, & ius scriptum, uel non scriptum; Vtriusq; cognitio oratori necessaria.

- 15 Qui uero deliberat non solum quod simpliciter bonum, sed quod cuiq; commodum diiudicet; Nihil enim est utile quàm quod alicui bonum.

- 16 Quod duplex uel toti ciuitati, uel singulis in parte; Vnde & in Politicis sit peritus orator & calleat singularem rerum usum; quæ pro uarijs hominum conditionibus huic, uel illi opem ferre possunt.

- 17 Nec hæc iam dicta simpliciter, sed inter honesta quæ sint honestiora, & utilia quæ sint utiliora.

Et hæc de rebus inueniendis ad faciendam fidem.

- 18 Modus autem collocandi per Enthymema, & exemplum illud idè opus huic negotio præstantia, quod Topica syllogismus, & inductio.

Modò secundo loco affectus mouere querit declamator.

- 19 Ergo, quid affectus, quot numero quibusque generentur, et quo modo, nempe de ira, misericordia, & reliquis huiusmodi discat orator oportet; unde optimè sit in Philosophia uersatus. Nunc ad uerba;

- 20 Quæ quatenus ad dictionem spectant, uel simplicia, uel cōiuncta.

- 21 In simplicibus proprietates;

- 22 In coniunctis, numerus, & mentis ad unguem expressio considerantur.

- 23 Hoc autem præstabit enuntiatio si fuerit dilucida, breuis, illustris,

- stris, suavis, & probabilis.
24. Orationis modo, perfecta (quod opus est oratoris) partes per quas hæc omnia methodice digeruntur, sunt principium, narratio, confirmatio, & epilogus.
25. Quarum extremæ mouent; Prima, animos præparans & captans uel a rebus, uel a personis;
26. Mediæ uero docent.
27. Sed præter hæc desideratur Pronuntiatio id est oratoris motus gestus, & uultus, uocisq; ad orationem accommodatio.
28. Quæ omnia præstabit adamussim si ut alios uult affici, ipse, me diocriter tamē, affici sese primo sinat. Per sympathiā enim animæ sese maxime mutuo mouent.

EX RE MEDICA.

TOT autē animi dotes quæ alterā hominis partem exornāt sine bona alterius quæ corpus est habitudine infelices eßēt. Eget enim anima corpore tanquam instrumento & Architectonica manūaria. Quin & sibi ipsis omnia flagitia communia faciunt. Ita ut mentis actio quantumuis a corpore abstracta hoc læso ledatur & ipsa. Boni igitur corporis habitus id est sanitatis, erat habenda ratio.

1. Cuius cura quantū arte perfici potest fuit medicinæ demandata
2. Medicinæ inquam, quæ naturæ tantum est sagax ministra.
3. Nām cū hominis sanitas id est ad omnes actiones libera, & bene disposita facultas in optima elementorum contemperatione, simularium partium, & dissimularium structura sit posita, et ut uidere est plurium contrariorum harmonia seu symmetria; unde & pluribus iniurijs idq; minima occasione obnoxia.
4. (Quæ tamen ad duo capita referuntur, Quorum alterum est cōtinua secundum naturam corporeæ substantiæ diminutio, corpore humano, quia calidum, & humidum, apprimē a natura existente fluxibili;

Alterā

- 5 Altera illius præter naturam vitiata constitutio) Fit ut natura illic bonum habitum conseruanti , hic uero iam deperditum instaurare nitenti , duæ medicinæ partes tutrix , & curatrix famulentur .
- 6 Conseruat autem per similia & instaurat per contraria .
- 7 Res autem quarum usus hic operæpretium facit , & extrinsecus industria medici administrandæ sex numero sunt (non naturales uulgo uocat) Cibus & potus , somnus & uigilia , motus & quies , repletio & inanitio , aer ambiens , & animi perturbationes .
- 8 Quorum moderatus usus idest pro substantiæ , quantitatis , qualitatis , & aliarum circumstantiarum ratione , iuuat . Si uero præter modum , morbum inducit .
- 9 Verum nõ aqua est omnibus hæc librandi ratio ; Magnam enim admittit latitudinem sanitas humana ; Nec omnium eadem est in omnibus nec geometrica , nec Arithmetica proportio ; Vnde in his distinguendis peritus artifex medicus erit .
- 10 Assequetur autem in omnibus normam per signa & ea quæ sensibus apparent ut colorem figuram uarios motus , & functiones et alia huiusmodi .
- 11 Vbi uerò manifeste uiolata est sanitas , quod per lesam actionem dignoscitur , Tunc adest morbus , & ipse curandus .
- 12 Morbus autem idest praua constitutio , uel tantum in simplicibus qualitatibus , idest inæquali intemperie , uel iam in substantia positus .
- 13 Substantia rursus , uel similarium , uel dissimilarium .
- 14 Similarium rursus , spirituum , humorum uel partium solidarum :
- 15 Dissimilarium uerò , ubi illarum fuerit uitiata magnitudo , numerus , situs , et figura .
- 16 His autem omnibus in substantiæ collocatis communis est solutio continui .
- 17 Quæ uel intemperies iniuste , accusantur doloris esse causæ .

- Nam uera et immediata est recessus ab eo quod secundum naturam, in id, quod contra naturam est; Voluptatis autem contra (quod iam alibi dictum)
- 18 In similaribus autem ubi morbi magis dominantur, calor præter naturam accensus, et primo cordi adharefcens febris est
- 19 Qui si tantum in spiritibus excedat, diaria.
- 20 In humoribus autem ubi calor a putredine solet excitari si æquè in omnibus synochus, et continuas;
- 21 Si uero in aliquo solo et eo bile, Tertianæ.
- 22 Si Pituita, Quotidiana.
- 23 Si Melancholia, Quartana &c. Si uero complicati humores, et complicata febres generantur.
- 25 Qui rursus uel in uasis, uel extra uasa putrescunt; illic nunquam intermittit, febris.
- 26 (Quamuis deprimatur) hic uero penitus intermittit.
- 27 Quorum periodorum uarietas ab humorum putrescentiæ maiori uel minori copia naturali, faciliiori uel difficiliiori resolutione, & non aliunde pendet.
- Ad curationem modo.
- 28 Quæ per contraria, ut antea paulo dictum, & ad quæ nos ducit indicatio.
- 29 Sed ea contraria potius eligenda quæ causæ quàm quæ affectui opponuntur (Non enim semper eadem) ob id quia in omnibus delendis prima principia sunt eradicanda.
- Non tamen negligendus affectus nec symptomata de quibus aliqua est habenda ratio.
- 30 Sed his obstat quæ contra indicant uires nimirum ad quas in primis medicus aduertat oportet. Nihil enim quàm has conseruare uel reficere hæc ars postulat.
- 31 Ad utrumq; igitur spectet & ita ut in pleniori potius quàm in tenuiori uictu modum præterire minus pudeat.
- Sed illa per se dignoscere nimis erat difficile.
- 32 Quo fit ut introducta fuerint coindicantia et cõtrindicantia.
- Vt ætas, cœli status, regio temperamentum, pars laborans, consue-

consuetudo & alia huiusmodi.

- 33 Ab his ergo inter medendum hæc deducitur methodus vt simplex simplex contrarium, genus genus, species speciem, differentia differentiam ostendat.
- 34 Instrumenta autē curatricis sunt inedia curatio & chirurgia.
- 35 A quorum leuioribus si suffecerint semper est inchoandum.
- 36 Alioquin extremis morbus extrema remedia ;
Sed priusquam curetur morbus est dignoscendus :
Nam incogniti nulla curatio morbi ;
- 37 Eo autem nos ducunt symptomata & excreta
- 38 Vt ad vires dignoscendas pulsus.
- Atq; hæc de Re medica.

ADIECTA Sunt ea quæ sequuntur Paradoxa, & problemata in uberiolem disputandi campum.

H ij

πρὸς λογιάτον πόντιον τῶν θεσέων ὑπεραπισίν.
Επίγραμμα

Φιλίππου ρώβιέρτου τοῦ καβιλῶνος.

Νῦν μοῦσαις ἰατρῶν τε χόροις τὰ τέρεα καὶ προσαρτῶ
πόντιος ἐν κρυφίῃ χειρὶς Ἀκισορίη :

Εὐθα πόνων κ' ἀρετῆς πολυμόχθοιο δαῖγμα πορίζων
παῖς τε φίλος φοῖβου, χ' ἵπποκράτους τρέφειμος.
Ἀλλὰ πατρὶ φοῖβῳ μάλα ἰκελος, ἔτε προσώπῳ,
Εἴτε λόγοις, χορδαῖς καὶ τὸν ἔρωτα κλαίειν.

Τάχ' ἄυριον ἔσσετ' ἄμεινον.

• OPT. ET EXCELL. VIRO MARCO
ANTONIO CAPRAE SERENISS.

DVCIS EMANVELIS

Primo Medico, & de sua Academia moderatori
benemeritiss.

Pontius Renaldus S.



VM HAS NOSTRAS QVAESTI-
VNCVLAS partim PARADOXA par-
timq; problemata contra communem
religionem & dogma, quasi naui-
culam cōtrapiantis Rhodani uel Padi
filum essemus obuecturi (Opt. & ex-
cell. Capra) Non erat sanè uulgariū
hominum industria in hac re implo-
randa: facile siquidem est, & cuiq; im-
perito nautæ leue, pro flantibus auris
nauigare; Sed solus potest expertus

peritissimusq; inuito Borea ad portum appellere nauim: Te unū
igitur hac tempestate eximia & singulari probitate, doctrina, ex-
perientia, prudentiaq; virum, & in florentissima nostra artium A-
cademia bene moderanda quasi Iouis, & Saturni rotas parteq; ge-
rentem, nunc in meum fauorem, tutelam & propugnaculum ef-
se mihi subtrahendum operæpretium existimaui; ut illum sanè qui
si mihi fauere non recusabit; dum nihil ampius habet cum alijs ho-
minibus commune, sed per eam quam iam diu sibi comparauit au-
ctoritatem & fidem super alios & præter communem opinionem
fastigiat, has etiam præter communem opinionem sententias,
quas alij fortasse monstra credidissent, faciet ut ego magna cum
fiducia, pro tritis & familiaribus axiomatibus audeam uendere
& sustentare; & eò magis quia nihil veritati & rationi (quamuis
hominum superstitioni) si sano iudicio sumantur, obstare uideri
debeat. Bene ergo de te sentientem, & audacter sperantem
animum quæso minimè frusteris. Vale. & semper, ut
hucusq; fecisti, feliciter floridam nostram
Academiam moderare.

PARADOXA, PARTIMQ.
 PROBLEMATATA IN CANDI-
 DORVM DISPVTORVM
 GRATIAM.
 LOGICVM.

1 LONGE. est imperfectius cum Logica, quam sine logi-
 ca scire.

EX DIVINA ET NATVRALI
 PHILOSOPHIA.

- 2 Ignarus Sapienti longe beatior.
- 3 Omnia entia sunt ad aliquid.
- 4 Et tantum differunt secundum magis uel minus.
- 5 Sed nullas ens diuisiones pati potest.
- 6 Materia perficit formam.
- 7 Mundus nec est, nec non est.
- 8 Sed utrum stat, an mouetur?
- 9 Necnon utrum est in loco?
- 10 Verum locus nihil est.
- 11 Minus quicquam est tempus.
- 12 Nullumq; cælum.
- 13 Quot sydera tot intelligentiæ.
- 14 Nullus ignis.
- 15 Aer suapte natura frigidus.
- 16 Terra ubi pura nigerrima.
- 17 Nigerq; color longe perfectior albo; qui si mutuo cõferantur
 illæ formæ, hic uerò priuationis rationem præ se fert.
- 18 Et inter animantia, sors hominis miserrima.
- 19 Et Bruta sunt magis quàm ille rationalia.
- 20 Sed utrum omnibus una tantū numero sit mens et intellectus?
- 21 Verum quàm stultè quidam memoriam in occipitio collocant.

- 22 *Ridiculosius adhuc qui durio rem uel molliorem cerebri substantiam facere credunt ad faciliores apprehensionem & memoriam.*
 23 *Dolor nullo pacto sentitur.*
 24 *Sed utrum semen hominis sit homo.*

EX MEDICINA.

- 25 *Nec solutio continui, nec intemperies doloris causa sunt.*
 26 *Nec lapis in vesica uel alia huiusmodi, nec praua corporis constitutio morbus est; ut nec uitiata proportio est ipsa dissimilitudo quæ obstreperit auditui.*
 27 *An conuulsio fiat ex inanitione?*
 28 *Nunquam purgandum superne.*
 29 *Nec prandium, nec cæna pleniora debent simpliciter statui; sed illud eorum quæ spiritus reficiunt, hoc autem eorum quæ solidiores partes.*

EX MATHEMATICIS.

- 30 *Arithmetica prior est Geometria.*
 31 *Punctum est diuisibile.*
 32 *Si ab æqualibus demas æqualia, quæ remanent non sunt æqualia.*

EX ETHICIS.

- 33 *Nullus homo malus.*

AMATORIA.

- 34 *Non est amor desiderium fruendæ pulchritudinis uel affectus unionis.*
 35 *Minus est in corde uel in hepate collocandus.*

36 *Poetica omnem philosophiam, & sapieniiam excellit.*

IN LEGVM PROFESSORES.

37 *Leges perdunt homines; bonos frustrantur, uirtutem & omne
benè operandi occasionem e medio tollunt.*

38. *Nec malos castigant, nam uel penitus à naturâ delent uel in-
fames & inutiles extra aliorum numerum abijciunt.*

Tuebitur Pontius Renaldus, quamdiu non
tædebit excell. Doctores candidiss. q; Iuuenes
illuc conuenire. Aggredietur autem octauo
Idus Decembris hor.